

# LETŠOAO

 ...e be Lentsoe. Hopolang hosane thapama...[Sekheo lebanteng—Mohl.] Ho lokile. Empa lea tseba moo ke bolelang, e ka ba limaele tse mashome a mahlano holimo 'mileng.

<sup>2</sup> Bukeng ea Exoda, re bala, bosiuong bona, ho tsoa ho—ho khaolo ea 12 ea Exoda, le temana ea 12 le temana ea 13. Ke lumela ho ka ba hotle ha re ka ema re sa bala Lentsoe, ho hlompha Molimo. Exoda 12:12.

*Hobane ke tla haola le naha ea Egepeta bosiuong bona, 'me ke tla timetsa matsibolo 'ohle a naha ea Egepeta, motho le sebata; 'me khahlanong le melimo eohle ea Egepeta ke tla etsa kahlolo: Ke 'na MORENA.*

*'Me mali e tla ba letšoao ho lona ntlung eo le leng ho eona: 'me ha ke bona mali, ke tla le feta, 'me lefu la seoa le ke le la le oela ho le timetsa, ha ke otlala naha ea Egepeta.*

<sup>3</sup> Ha re inamiseng lihlooho tsa rōna.

<sup>4</sup> Ntate Molimo, re a rapela, bosiuong bona, re tle re itekole 'me re bone haeba Mali a lekane, 'me a pepeneha. Ha re bua ka Lentsoe la Hau, Moea o Halalelang o ke o re tataise, ka Lebitso la Jesu. Amen.

Le ka lula fatše.

<sup>5</sup> Palo ea Lengolo la rōna, bosiuong bona, e re khutlisetsa ho Exoda. *Exoda* ke “ho tsoa.” 'Me, sena, bohle re tseba e—e nako, le moelelo oa taba. Ke tllilo nka sehlooho sa: *Letšoao*. Letšoao, letšoao ke eng? Letšoao ke pontšo ea . . . hore theko e se e lefiloe.

<sup>6</sup> Joaloka k'hamphani ea terene, kapa tefello ea libese, ha ba hoeba tseleng ea libese, u a kena, metse e mengata e ntse e e-na le eona, u ka khona, kapa tekete ke letšoao, ha u ea khampaning ea seporo, 'me, kapa k'hamphani ea sefofane 'me u reka tekete, ha u nehele chelete ha u kena u tsamaea, ke letšoao, tekete ea hao kapa letšoaoanyana la hao leo o . . . hoo ho u supa u rekile moputso o hlokoang, ba hloka theko e itseng, 'me moputso ona o lefiloe.

<sup>7</sup> 'Me sehlooho seo re buang ka sona, bosiuong bona, tlhoko ea Molimo ho Iseraele, tlhoko ea Jehova, e ne e le mali a konyana. E ne e le tlhoko ea Hae eo, 'me e ne e tla emela letšoao. Letšoao le supile hore tlhoko e phethiloe, hore seo Molimo a neng a se hloka se phethiloe.

<sup>8</sup> Seo hlokoang ke seporo, letšoao le se supa se phethisitsoe. Tefello ea hau ea leeto e lefiloe. U itokiselitse ho palama terene, sefofane, bese, seo e ka bang sona, empa u tsoanetse ho tsoara letšoao. Ha u ka ke oa tsoella letšoao le le sieo. Likhamphani tse ngata ha li amohele chelete ea hau, ha o ea sefofaneng, tsamaea

mono, 'me o re, "Ke batla ho lefa tekete ea ka." O ee o nke tekete ea hao pele. U tšoanela ho fumana tekete, 'me letšoao feela ke seo u tlamehang ho se tšoara. Chelete, ka boeona, e ke ke ea sebetsa. O lokela hoba le letšoao.

<sup>9</sup> Bophelo bo ne bo tsoile sehlabelong, 'me joale mali e ne e le letšoao. Litaelo tsa hae li ne li phethiloe.

<sup>10</sup> Ho bile joalo Egepeta, bosiuang boo bo tšabehang, pele lefu le otlala, kotlo ea ho qetela. Molimo o ne a bontšitse lipontšo tsa Hae tse kholo le meeka Egepeta, mamello ea Hae le mosa, ho Faro le sechaba sa hae kaofela. O ne a rometse lipontšo tse ngata tse khōlō naheng. O ba rometse moporofeta, ho ba bontša lipontšo le meeka, Topallo ea Mollo, le tsohle tseo A li entseng. Koana, sohle seo A se entseng, koana ba hanne ho baka. Ba hanne ho tla ho Molimo. Ba nyemotsa lipontšo tsohle tsa Hae, ba nyemotsa moporofeta oa Hae, ba nyemotsa Molaetsa. Ba ipatlela tsela ea bona. Molimo o no o khathalitsoe ke bona, ka hona Oa re, "Ke tlil'o etsa karohano joale lipakeng tsa ba lumelang le ba sa lumelang."

<sup>11</sup> Ke nahana re phela nakong eo joale, moo Molimo a etsang khetho. Motho o tla lumela kapa ba ke ke ba lumela.

<sup>12</sup> 'Me Molimo o ne o batla letšoao, 'me letšoao lena e ne e le konyana e se nang molato eo A e emisitseng bakeng sa lefu, serapeng sa Edene. 'Me joale ha konyana e hlajoa, mali a beoe motheong oa monyako le holima kosene, 'me e ne e le ho bontša hore tlhoko e phethisitsoe.

<sup>13</sup> Oh, ke nahana hore ke thuto e kholo ho rona ha re e sheba. Ho bona ba lumelang, ba rapelang, joaloka ha a bonahalitsoe ka letšoao la mali. O ne a loketse joalo, molumeli o ne a tlameha ho nka konyana, ho hlaba konyana, konyana ea ntlu, ho qopetsa mali ka hisopa, e leng koasenyana feela e melang naheng. 'Me ao, mahola a tloaelo, re ka a bitsa joalo, 'me a lokela ho tšasa mali. Ea bontša, ka ho tlotsoa ha mali, ka hisopa ena, hisopa e emela tumelo. Hangata, batho ba hopola ba tlameha ho rua tumelo e mohlolo, ho ba molumeli. Ha se eona. Hisopa e bua ka seo, mahola a tloaelo u ka a thola kae kapa kae, e nke, u e qopetse maling, 'me u tlotse mali.

<sup>14</sup> Mali, bosiuang bona, a tlotsitsoe ka tumelo e nyatsehang. Feel a hase letho le kaholimo ho tlhaho; e u potile hantle, hohle. Habobebe feela, joaloka ngoana, a otlolle letsoho le ho e tšoara, le ho tlotsoa Mali. Hisopa ke tumelo e kang ea ngoana feela, ho molumeli. Ha se ntho e hole le ho finyelloa. Ha oa tlameha ho hlaelets a hole haholo ho e fumana.

<sup>15</sup> Hisopa ena e melang naheng eo, e mela lepatsoang la marako, lehlaku le betliloeng seka taemane. U ka le thonaka, hohle. Joaloka—joaloka joang kapa mahola a ka bang—naheng mona joale; e nke feela, e tlotse, e behe monyako.

16 Tumelo e tlameha ho sebelisoa joalo; nka tumelo, ho rialo, le ho tlotso Mali a Jesu Krete, ka tumelo, monyako oa pelo.

17 Sena se ne se tla arola le ho etsa phapang lipakeng tsa ba tsoang Egepeta, le bao ba neng ba tla sala Egepeta, le ho timela le Egepeta. E ile ea etsa phapang.

18 Ho a makatsa, kamoo Molimo kamehla o sebetsang ka lipontšo, litšupo, matšoao, le joalo-joalo. Esale A etsa joalo. Ke tsela ea Hae ea ho etsa eng kapa eng. Ha A ke a e etsa kantle ho moo. Molimo ha o etse letho ho fihlela A e etsa ka tsela eo.

19 Tsela eo Molimo o qalang ka eona, ke tsela eo Molimo a e qetang. Ke mohlokapheletso, o matlaohle, motlalahohle, ke motsebatsohle. Ha A hloke thuso ea motho. Ha A hloke tlhaloso ea rona, joaloka ha ke boletse maobane bosiu. Ha A re hloke ho toloka Lentsoe le ho bolela seo Le se boelang. O bua seo Le reng Le tla se etsa, ke tlhaloso eo. Ha ho motho ea tlamehang ho Le toloka. Molimo ha o re, “Ho be joalo,” ’me ke eona, ke tlhaloso ea Hae ea Lona.

20 Re ka re, “Matsatsi a mehlolo a fetile. Ha ho ntho e kang kolobetso ea Moea o Halalelang.” Monna ea E lumelang, Molimo o bua le eèna, ’me eo ke tlhaloso. Ba e fumane! Ke hore, ba tseba hore ba E fumane, hoba Molimo o itlhalosetsa Lentsoe la Hae ka Sebele.

21 Ke seo A neng se hloka bosiu boo, ho arola balumeli ho ba sa lumeleng. Molumeli, morapeli, o ne a amahanngoa le sehlabelo sa hae. O lokela ho tlotso mali. E ne e se “nka hlaba konyana, ho neta mali kae-kae, kapa ho a boloka ka har’a sejana, kapa u e theolele ho baahisani.” O ne a lokela ho tlotso mali!

22 Ho joalo, bosiu bona. Re ka tla ra utloela sohle seo Molimo o se etsang bohloko, ha se seo O se hlokang. U tlameha ho e sebelisa. Ha ea lekana ho fihlela u e sebelisa. Mali a tlameha ho tlotsoa, hoo ho bontša hore u tsebahalitsoe. Morapeli a bea letsoho la hae holima konyana ’me a nto e hlaba, a ikhomahanya le sehlabelo.

23 Le rōna re etsa joalo, bosiu bona, ke ho beha letsoho la rōna holim’a Sehlabelo sa rōna, le ho iketsa setlama le Eèna. ’Me Ke Lentsoe. Re tlameha ho tsebahatsoa ka Krete feela, ke mohla re tsebahatsoang ka Lentsoe, hobane Ke Lentsoe, esale ho le joalo. “Lentsoe le ne le le tšimolohong, Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha har’a rōna. Eèna maobane, kajeno, le kamehla!”

24 Lentsoe le le kana le baletsoe moloko o mong le o mong. Molimo o romela motho ka mono ’me o tsebahatsa Lentsoe leo, ka boithaloso ba Hae ka Boeèna.

25 Tumeloana le lintho esale li kentse kereke moferefereng o joalo, e mong le e mong a re, “Che, tsela ke *ena*, ’me tsela ke *ena*, ’me *sena* ke seo le lokelang ho se etsa.” Empa Molimo o

a kena, 'me o hata temeng 'me o phethisa seo A se boletseng, ke bona botoloki boo. Motho ha hloke ho bolela; e seng motho oa moetsalibe, kapa mekhatlo, kapa mokhatlo ofe o moholo oa bolumeli, kapa ntho efe feela, ho toloka Lentsoe; bishopo ea itseng, arekabishopo, mopapa, kapa ho hong. Ha se eona. Molimo o Itolokela ka boEena. Ha A e tšepisitse, O a e etsa.

<sup>26</sup> Joaloka ha ke boletse, makhethlo a mangata. Mohla A reng, "Leseli le be teng," 'me leseli la eba teng, ke tlhaloso eo. Ha Le sa hloka letho, ho leka ho Le toloka. Molimo o toloka, ka Sebele.

<sup>27</sup> Mali ana a ntse a tlotsoa, 'me morapeli ea hlaotsoeng a itsebahatsa ka mali, ka ho a tlotsoa ka tlung ea hae, holim'a lemati, moo a neng a ke ke a tsoa kapa a kena a sa amahanngoa ke mali. Papiso e phethahetseng ruri, ea kajeno, ea Mali a Jesu Kreste. Hape, mali e ne e le letšoao la boitsebiso. Kreste ke letšoao la boitsebiso ba molumeli kajeno.

<sup>28</sup> Bophelo ba phoofolo. Mehlang eo, lebaka leo ba neng ba loketse ho tšasa k'hemikale ea mali, ho tšasa holim'a hisopa, ho a tlotsoa holim'a kosene ea monyako le lentlele, ke hobane phoofolo... Morapeli ea beileng matsoho a hae 'me a ikhomahanya le phoofolo, bophelo bo neng bo le kahara phoofolo bo ne bo ke ke ba khutlela holim'a morapeli, hobane phoofolo ha e na soule. Ha e intlafatse ho hang.

<sup>29</sup> Re fumana, kajeno, hore rona banna, leha re oele, maamong ana a oeleng, re haha matlu a rona betere, re ahile, ra haha koloi e betere. Re nka seo Molimo a se bōpileng, rea se sotha, 'me re se fetola ntho e itseng ho ithusa. E ea bontša hore re bara ba Molimo, maamong a rona a oeleng, koana re na le soule. Re ke ke ra bōpa, joaloka ha Molimo a entse. Empa re ka nka seo A se hlolileng, 'me re etsa popo e mabapi le seo A seng a se bopile.

<sup>30</sup> Phoofolo ha e etse joalo. Ntja e sa ntse e phela kamoo e phetseng. Nonyana e sa ntse e haha sehlahla. 'Me hlapi e na le litša eona tsa ho qhotsa. Ha ho phapang mono, hobane (hobaneng?) ha li etse... ha li na soule. Empa, e paka hore motho o setšoantšong sa 'mopi oa hae. Ka baka leo, hore ha phoofolo e eshoa 'me mali a robjoa, sele e robiloe, bophelo bo seleng ea mali. 'Me eitseha sele ea mali e robjoa, mali a robeha, morapeli o ne a lokela ho nka khemistri ea mali le ho e tshasa monyako, e tle e bonoe ka leihlo la sebele. Hobane, bophelo bo neng bo le kahara phoofolo bo ne bo ke ke ba khutlela holim'a motho, bo se na soule, ka hona e ne e ke ke ea kopana le soule ea motho. Bophelo ba phoofolo bo ke ke ba khutlela holim'a motho.

<sup>31</sup> Joale, Sehlabelo sa rona kajeno, ha se motho oa tloaelo feela, empa e ne e le Molimo ka Sebele ea bonahalitsoeng nameng mona holima lefatše. Ha Sele eo ea Mali e ne e robjoa, ha se feela moea oa Motho, kapa sepiriti sa Motho; empa Molimo ka Sebele, Ea tsebahalitsoeng ka ho Monna eo, o khutlela hape holim'a molumeli, kolobetsong ea Moea o Halalelang. Ke Letšoao leo

Molimo a le hlokoang kajeno. Letšoao la kajeno, leo re lokelang ho ba le lona, e lokela ho ba Moea o Halalelang. Ke Letšoao le hlokoang ke Molimo leo. Re tla le pakela eona ka Mangolo.

<sup>32</sup> Kantle le Moea o Halalelang, ha u pepese Letšoao. Leo ke Letšoao, le bontša hore e . . . hore u iponahalitse le Sehlabelo, 'me Molimo o u khutliselitse Letšoao, ho bontša hore u amohetsoe. Ho fihlela hoo ho etsoa, ho sa tsotelehe u lokile hakae, u tseba ha kae, moprofesa oa koleshe, motho ea lokileng, moreri, seo e ka bang sona. Ha u lemohuoe ho fihlela u ka bontša Letšoao.

<sup>33</sup> Iseraele, ho exoda eo, ha ba etsoa mohlang oo, ba ne ba loketse ho ba le letšoao, ho paka hore ba ne ba amahantsoe le sehlabelo sa bona.

<sup>34</sup> 'Me, bosiuang bona, Molimo o hloka kolobetso ea Moea o Halalelang, e le bopaki ba hore re tsebahalitsoe tsohong ea Jesu Krete. Ha ho letho le haellang mono. Bibe e a e ruta, e hlakile, 'me re tsoanela ho e lumela. Ke Lentsoe la Molimo. Molimo o a le hloka. Re fumana lephallo, hape. Bohle re tseba seo. Iseraele o ne a hoanta a ea lefatšeng la pallo, le Monyaluoa o tla ea Lapeng la hae, haufinyane.

<sup>35</sup> Joale re fumana, mali e ne e le letšoao, 'me—'me a bonahatsoa. E mong le e mong o tsebiloe ka mali.

<sup>36</sup> Moea o Halalelang ke Letšoao la rona, kajeno, ho re amahanya ka, le Jesu Krete, tsohong ea Hae. Mali a tlotsoa ka tumelo.

<sup>37</sup> K'hemistri ea Mali e ne e ka sitoa ho fafatsa pelo e 'ngoe le e 'ngoe, re tseba seo, hobane e tšolohile Kalvari. Ea kolobisa lefatše. Empa kantle, mohla Sele Mali eo e neng e pshatloa, ea lokolla Molimo, ka matla a khalaletso ao Mali a neng a ruile, ho khutlela ho balumeli.

<sup>38</sup> Molimo, tšimolohong, e ne e le Molimo, Ntate, O phetseng holim'a tsohle.

<sup>39</sup> Joalo feela ka—Topallo ea Mollo e eteletseng bana ba Iseraele pele lehoatateng, A theohela holim'a thaba. Ekare ha motho a ama thaba, hobane, o tla bolaoa. Molimo oa halalela, 'me O ke ke oa lumella sebe ka mokhoa ofe. Mme monna e amileng thaba eo a shoa, esita le phoofolo ea lokela ho phokhotsoa ka lerumo. Eitseha Molimo theoha, O n'o halalela.

<sup>40</sup> Eaba Molimo, ha o theoha, oa theoha 'me oa etsoa ka sebopeho sa Motho, re tle re "O tsoare, ho O ama," Bibe e boletse. Ka har'a Selenyana eo ea Mali . . .

<sup>41</sup> Bajuda ba bangata ba batla ho re E ne e le Mojuda, bongata ba rona bo batla ho re E ne e le Mojuda, E ne e se Mojuda kapa Molichaba, E ne e le Molimo. O bopuo e le boleng ka letsoho la Molimo o Matlaohle, O bopile tabernakele eo A phetseng ho eona, eo re e tsebang e le Mora Molimo, ke hantle, Bomodimo,

Bomolimo bo Phahameng ba Jesu Krete, hoba Molimo o ne o ahile ka ho Eëna.

<sup>42</sup> Petrose a re, “Banna ba Iseraele; Jesu oa Nazaretha, Monna ea supiloeng ke Molimo ka lipontšo le meeka, le nkile ka matsoho a bokhopo la Mo thakhisa. Re ne re le lipaki tsa tsoho ea Hae,” mohla Moea o Halalelang o neng o tšolleloa holim’a bona.

<sup>43</sup> Joale rea fumana, hore nthong e kholo ena, hore, eareha Molimo o Itsebahatsa le Iseraele morao mono, ’me a batla boitsebiso boo . . .

<sup>44</sup> Joale rea fumana mona, Bajuda ba ne ba ka re, ba ka re, “Be, joale, ema motsofso feela. Ke . . . ke Mojuda. Ke—ke selekaneng sa Abrahamama. Ke bolotse.” Selekane, se hlakotsoe, haeba letšoao le ne le sa bonahatsoa. E nahaneng! Ke bua ka Letšoao la letsatsi lena. Ha mali ao a ne a sa pepeso, letšoao leo, ha ke tsotelle u ka ipontša u le Mojuda hakae, u ipoletse u lumetse hakae. Ekaba u ne u le rabbi, moprista, kapa eng feela, empa letšoao leo la tlameha ho tlotsa. Ha ho ho kena kapa ho tsoa, ee kapa che; ho fihlela A bone mali, O ne a tla feta.

<sup>45</sup> Mathaka a mang a ka re, “Khelohela koano mona. Nka paka hobane ke bololitsoe matsatsing a robeli. Moprista o tsoere rekoto ea eona. Lebitso la ka le bukeng holimo mono.” E ne e sa amane le eona ka letho. E—e letšoao e ne e le . . . Ha letšoao le ne le sa tlosoa, selekane se ne se hlakotose. Se se na matla.

<sup>46</sup> Re tlameha ho hopola hoba seo Molimo o se buang, ha O ke o se khutlisa, empa O a ekeletsa. “Bao mehleng ea khale, le ba utloa ba re, ‘U se ke oa feba,’ empa Ke re ho lōna, e mong le e mong ea talimang mosali ho mo lakatsa, o se a mo febile.” Ha A khutlise le ka mohla; O a ekeletsa. O a holisa. Ke seo A se etsang. Mesebetsi eohle ea Hae, O e natlafatsa kamehla.

<sup>47</sup> Ke hona moo re tlohang mongoaheng oa kereke e ’ngoe, ho tloha ho Luther, ho kena ho Wesley, ho kena ho Pentekosta, le joalo le joalo ha re ntse re tsamaea. Ha re nyoloha, Molimo o tsoelapele ho holisa Lentsoe le tsoanang, ho le tsoellisa joalo, ho fihlela qetellong kereke e tla kena setsoanong sa Jesu Krete, eona e tla be e le Monyaluoa oa Hae eo A tla mo isa Hae, hantle, seo re se batlang kajeno. Ehlile, rea elelloa hore kereke e tla feta matšoenyehong, empa Monyaluoa a ke ke. O tla ntšoa kerekeng, joaloka—joaloka ha Iseraele a ntšitsoe Egepeti. Re fumana joale hoba Moea o Halalelang e ne e le Oona joale o re amahanyang le Jesu Krete.

<sup>48</sup> Bajuda ba ka re, “E, re Bajuda ba selekane.” Empa enereha ba se na letšoao, selekane se ne se feletsoe ke matla.

<sup>49</sup> Ho a tsoana le joale. Ho sa tsotelehe re lokile ha kae, ho sa tsotelehe . . . U ka re, “Be, ke a . . . Ke entse *sena*, ’me ke entse lintho tsena tsohle. ’Me ke lefile karolo ea ka ea leshome. Ke setho sa kereke, ke etsa *sena* sohle.” Molimo o hloka Letšoao,

ho bontša hore u amahantsoe le Sehlabelo sa hau, Eèna eo u tlalehang u mo ruile, Eo u lumelang hoba u na le eèna.

<sup>50</sup> Petrose a re, “Bakang, e mong le e mong oa lona, ’me le kolobetsoe ka Lebitso la Jesu Krete tšoarelong ea libe, ’me le tla amohela neo ea Moea o Halalelang. Hobane pallo ena e etselitsoe lona le bana ba lona, le ba leng hole kaofela, bao Morena Molimo oa rōna a tlang ho ba bitsa.”

<sup>51</sup> Ke mang monna eo ea moetsalibe ea tla fetola Hono, le ho re, “Matsatsi a mehlolo a fetile”? Ke mang ea ka etsang hoo, ’me a re Lentsoe la Molimo le ne le fosahetse?

<sup>52</sup> Athe O itse, “Ea bitsang Lebitso la Morena! Hobane pallo ena e etselitsoe lona, le bana ba lona, le ba leng hole kaofela, bao Morena Molimo oa rōna a tlang ho ba bitsa.” O tla tlapisa Letšaoa holim’a bona.

<sup>53</sup> Hoo ho etsa phapang lipakeng tsa molumeli le mosalumele. Ba tšoailoeng ke ’Muso oa Molimo e ne e le bao, le ba tšoailoeng ke letšaoa la sebata, ’me ba tlapisitsoeng ka letšaoa la sebata ba sitiloe ho nka Tiiso ea Molimo. Ntho e tšoanang e a kena kajeno, ’me re e bona hantle ka pel’a mahlo a rona.

<sup>54</sup> Ho sa tsotelehe o lokile ha kae, o ipolela o le molumeli ha kae, Molimo o ne a batla Letšaoa. O le batlile Egepete. O a le hloka bosiuang bona. O a le hloka bosiuang bona. Le ha ho le joalo, Letšaoa le ntse le hlokoa haholo mongoaheng ona joaloka ha le entse mongoaheng oo. Ha ke tsotelle haeba u ne u le moithuti oa Bible, u ka hlalosa Mangolo hantle hakakang; Satane a ka etsa hona hoo. Empa, hopolang, hoo ha ho amane le eona ka letho. Molimo o hloka ntho e le ’ngoe, ke Letšaoa leo. Letšaoa le bontša u amahanngoa le Sehlabelo sa hao seo u ipolelang u se rapela. Amen. Ke eona.

“Ha Ke bona mali,” kapa letšaoa, “mali e tla ba letšaoa; ’me Ke bona mali, Ke tla le feta.”

<sup>55</sup> Lefu le ne le le mothating oa ho otlala Egepete, nako efe kapa efe. E ne e le nako e kholo, e thata haholo. Molimo o ne o ba bontšitse mohau, ka ho bontša matla a Hae, lipontšo. Le joale ba lakalitse ho se bake, le ho se khutlele morao. Ba ne ba sa batle ntho e kang eo. Ba ne ba sa e lumele. Ba ne ba sa lumele molaetsa o neng o etsahala. Molimo o ne a ba rometse molaetsa; ha ba ka ba o lumela. Ba ntse ba batla ho itsamaela hantle kamoo ba entseng.

<sup>56</sup> Papiso e phethahetseng feela ea kajeno, ntho e tšoanang. Ketsahalo e ’ngoe le e ’ngoe ea moea le pontšo e ’ngoe le e ’ngoe ea moea ke temoso e tsoang ho Molimo, hore ntho e ’ngoe e mothating oa ho etsahala, *haeba* pontšo eo e tsoa ho Molimo. Haeba e entsoe ke motho, ha ho—ha ho letho ho eona. Empa haeba e rometsoe ke Molimo! Mang le mang o a tseba, mang le mang o a tseba, hore Molimo o romela pontšo, haeba e le pontšo e mohlolo, O romela Molaetsa ’moho le pontšo eo. O

etsa joalo kamehla, le ka mohla ha A hlolehe ho etsa hoo. Re bona lintho tseo e seng lipontšo tsa Molimo, be, e tla be e se letho, hoba Molimo ha a eo ho eona. Empa ha Molimo o le ka ho eona, Molaetsa o tla latela seo, 'me Molaetsa oo o lokela ho tsoa Lengolong. E tšoanetse e be e le Molaetsa o Mangolong. E tšoanetse ho tla e le HO RIALO MORENA. Ketsahalo e 'ngoe le e 'ngoe ea semoea ke pontšo e tsoang ho Molimo.

<sup>57</sup> Joaloka Molaetsa le lipontšo tse latelang, tsatsing lena, joaloka matsatsing a matsatsi a mang ao re fetileng ho 'ona, mehleng ea Bibehe. 'Me ha ho mohla sena se neng se ka hlaha ho fihlela joale. Ha ho mohla Molaetsa ona o neng o ka hlaha ho fihlela joale. Jesu o itse, "Joaloka matsatsing a Sodoma, ho tla ba joalo ho tleng ha Mora motho." Molaetsa o ne o ka se be teng ho fihlela joale. Lefatše le ne le se maemong a joalo ho fihlela joale. Ena ke hora eo Jesu a ka hlahang ka eona nako efe kapa efe.

<sup>58</sup> Moroetsana ea robetseng o a kena, ho leka ho reka Oli. Ke mohla Monyaluoa a neng a kena, 'me ba bang bohle ba sala mona. Na le kile la nahana se hlakileng? Ba tsoelapele ho rera ba hopola ba pholosa meea, le ntho eohle, athe ha ba tseba. Ha ba tseba letho ka eona. Kereke e tla tsoelapele, e hopola meea e bolokeha, le ntho eohle esele, 'me Kereke e se e (Monyaluoa) tiisitsoe. Ha ke e tsebe! Ka sebele. Ke hantle seo Lengolo le se boletseng. Nohe o kene arekeng, 'me Molimo o e tiisitse. Ruri. 'Me nako e tla fihla eo banna le basali ba tla hooeletsa ho Molimo, 'me ba ikhopola ba tsoere ho hong, athe ha ba na eona. Ke hantle haholo. Lengolo le bua ka eona.

<sup>59</sup> Ka mokhoa o tsoanang, re tlameha ho hopola hore Modimo o "mamello, o sa batle hore mang a ka timela." O romela lipontšo tsa Hae ka mehla, meeka ea Hae. 'Me mohla A itokisetsang ho etsa ho hong, O arola molumeli ho mosalumeli.

<sup>60</sup> Lemohang, ke hona, kamoo A babaletseng batho ba Hae ba lefatše la pallo. Shebang seo A se etselitseng batho ba Hae ba lefatše la pallo mono, ho netefatsa hobane ha ba tsoakane le mokha oa mofuta. Oa etsa'ng? Oa ba romella moporofeta, Moshe, ka molaetsa, o tsebahatsang Lentsoe la Molimo. 'Me, ho tsebahatsa Moshe, O rometse Topallo ea Mollo e neng e leketla holim'a hae. Amen. Hape, ho ba fa tiisetso e phethahetseng, O ne a hloka letšoao. Amen. Moromuoa ke eo, molaetsa, le nêfefatso, le letšoao, kholiseho e phethahetseng ba sa hloke ho tsoenyeha ka letho. Ho sa tsotelehe bongata ba likotlo tse otlang, seo mang a se buang, ba tiisitsoe.

<sup>61</sup> Iseraele e tsoang Egepete, ke buile metsotso e 'maloa e fetileng, ke papiso ea Monyaluoa ea tsoang kerekeng. Mohla Moshe a qalang bosebeletsi ba hae, Iseraele ea phuthehela nqalong e le 'ngoe, Goshene, ea qala ea rapela; hoba ba tsebile hora e atametse, hoba ba tsebile ntho e le teng mono. Monamoleli o ne a se a tlile. Molimo o ne o sebetse, o etsa lintho, ho bontša

seo O neng o tla se etsa. Ba tsoa likarolong tsohle tsa Egepeta, joaloka ha ba tla etsa letsatsing la ho Khutla ha Hae. Ba tla ntša batho ho Methodise, Baptise, Lutherane. Bohle ba tsebahatsoang ka ho Krete, ka Letšoao, Molimo o tla ba nka le Eëna mohla A tlang.

<sup>62</sup> Re bala mona ho Baheberu, khaolo ea 10, temana ea 26, “Ha re etsa sebe ka boomo ha re se re filoe tsebo ea 'Nete, ha ho sa le Sehlabelo se seng sa sebe, empa tebello e tšabehang, e tukang ea kahlolo e tlang ho ja mohanyetsi.” Ke hore, ha re sa lumele ka boomo ha re se re filoe tsebo ea 'Nete, ha ho sa le Sehlabelo se seng sa sebe. E nahaneng! Ho sa tsotelehe seo u se nahanang pelong ea hau, Letšoao le ke ke la tlotsoa le ka mohla; ha u Le hana khetlo la ho qetela, joale Le ke ke la tlotsoa. “Ea etsang sebe kapa ea sa lumeleng ka boomo.”

<sup>63</sup> Joaloka ha re bona lipontšo tse khōlō tsa qetelo le linako tse tlang, kamoo re leng kateng joale ka tšepiso ea Lentsoe! Lentsoe le leng le le leng leo re le tšepisitsoeng pele ho nako ea qetelo, re lutse ho lona hona joale. Esita le ho ea fihla letšoaong la sebata, le mekhatlo ea liphutheho li bokana, le—le puso ea mopapa e kena, le ntho e 'ngoe le e 'ngoe hantle feela kamoo e leng kateng. Lefatše le leketlile koana, libomo tsa athomo li kahara meaho ea lifofane. 'Me Molimo o bua ka bahlanka ba Hae, ka har'a likereke, le ho ba hulela kantle, le ho bontša lipontšo tseo A tšepisitseng A tla li etsa pele A Khutla. Re nakong ea qetelo. Letšoao le a hlokahala. E, monghali. Joale rea tseba lintho tseo ke 'nete. Joaloka ha li entse, e ne e le papiso feela ea seo re fetang ho sona joale. Re sa bona lipontšo tse khōlō tsena li hlaha nakong ea qetelo, ho re lemosa, nako e atametse.

<sup>64</sup> U se ke ua etsa sebe ka boomo. U se ke ua se lumele ka boomo. Haeba ntho e le teng ka ho uena, e reng, “Be, joale, ha ke bone moo ke hloakang Moea o Halalelang. Mohlomong ha ke O hloke. Kea lumela, mohla ke lumetseng, ke O fumane.”

<sup>65</sup> Pauluse o boletse, batho ba botsitseng potso eo, a re, “Na le amohetse Moea o Halalelang esale le lumetse?”

<sup>66</sup> Moea o Halalelang ke Letšoao. Motho o lumela Molimo, hoo ke 'nete e lekaneng. Empa Moea o Halalelang ke Neo ea Molimo, Ke ntho e fapaneng le tumelo ea hau. Tumelo ea hao e a Le tlotso, ke hantle haholo, empa Moea o Halalelang ke Paki. Re tla bona, metsotsong e 'maloa feela, kamoo E sebetsang, le se etsahalang, moo re ka kholiselang, moo re tsebang moo re nepileng, kapa che. E re lemosa hoba nako e atametse.

<sup>67</sup> Re loketse ho ratana. Nakong ena, kereke le molumeli ha ba a lokela ho arohana. Balumeli, balumeli ba tlameha ho ikhetha linthong tsohle tsa lefatše. Ntho e 'ngoe le e 'ngoe e hloakang borapeli, molumeli o tlameha ho ikarola ho eona.

<sup>68</sup> Lemohang, ba ne ba sa phutheha feela ho bua ka eona, le ho re, “Re a e lumela.” Ba ne ba kopane ho tšasa mali. E seng ho tla,

ho re, “Oh, ehlile, ke lumela seo,” ho ea hae. Ba ne ba loketse ho tla ho tlotsa mali, hore letšoao le tle le bonoe; kena ka tlasa eona.

<sup>69</sup> Ke kajeno. Re lutse re utloa Molaetsa o reroa. Re O bala Bibeleng. Re re, “Oh, e, ke lumela Seo.” Ha se seo Molimo o se hlokanang. Ho sa tsotelehe u O lumela hakae, u tlameha ho Le fumana. Kereke, tsoha!

<sup>70</sup> Amerika, ena ke hora ea hau ea ho qetela! Kahlolo e sekaleng, koana, ea sechaba sena. Hola Molimo a ka lumella sechaba sena ho tsoelapele ka seo se se etsang joale, O tla tlameha ho tsosa Sodoma le Gomora, le ho kopa tsoarelo ka ho ba chesa lore. Ke hantle. Re tla lefetsa libe tsa rona. Re etsa eona ntho eo ba e entseng Sodoma.

<sup>71</sup> 'Me Molimo o rometse Molaetsa hantle feela kamoo A entseng Sodoma. Hantle feela. O rometse e mong ho kereke kantle mono le sehlopha sa Lota; le ho Sodoma; 'me A romela ho Bakhethoa, le joalo-joalo. Le ho e paka, hore kereke e lutse maemong ona ao hantle matsatsing a—a Lota, joalokaha Jesu a boletse, ho tla ba joalo hape. Metsoalle, e matsohong a rona, re tla etsa joang ka eona?

Ho re, “Mali matsohong a hau?” E.

<sup>72</sup> Le nahana Oswald o ne a nahana'ng mohla a lutseng ka phaposing eo, tsatsi le leng, ka ho nka mali a mohahabo, ho thunya Mopresidente polaong? 'Me o ne a lutse mono, a tseba hoba o tlameha ho tjamelana le lekhotla leo la federale, mohla Lekhotla le Phahameng le mo shebileng, ka mahlo a halefileng, o tsebile mali a Mopresidente oa United States a matsohong a hae. A hlahletsoe phaposing e fufuletsang.

<sup>73</sup> E lokela ho etsa eng ho monna, ha u tseba hoba u hataketse Mali a Jesu Krete, 'me u hanne ho e etsa? Ho lula phaposing e fufuletsang. Ha u ka ke oa ahloloa feela ke Lekhotla la Supreme; ke Molimo o halefileng o ka lahlelang 'mele, oa lihela moea lihlelang. Ema! Sheba! Mamela! Le ele hloko! Re Mo hatikela holimo feela, habonolo, 'me re Mo hopola a le lerato haholo.

<sup>74</sup> Thaka le leng la re, tsatsi le leng, “Molimo o nthata hantle haholo!”

<sup>75</sup> Molimo ke Molimo o lokileng, ke 'nete, empa Ke Molimo oa khalefo, hape, Ke Molimo oa kahlolo, Ke Molimo oa khalefo. Re sitoa ho e tsoara. U Mo ntlafatsa hoo u Mo fetolang ntemoholo oa khale ea mosa. Ha se ntemoholo. Ke Molimo o matlaohle, 'me ha A na litloholo. O na le bara le barali ba Molimo, ha se ho tsukutlana ka matsoho le ho kenngoa ka hare. U tlameha ho tsoaloa labobeli, 'me Mali a tlotsitsoe! Ke bara le barali ba Molimo. Eseng ntemoholo oa khale ea mosa, a lesa bana ba Hae ho feta, litloholo li feta ka eng kapa eng. Ha se ntemoholo, Ke Ntate. E, monghali. Ngoana e mong le e mong o tsoanela ho tsoaloa ke Eëna. Ke Ntate oa tokiso.

<sup>76</sup> Rea tseba hora ena e fihlile, likahlolo li atametse. Re tla etsa'ng ka Eona? Ha ke batle Mali a Hae a lutse holim'a ka. U ka A tlosa ka mokhoa o le mong feela.

<sup>77</sup> U ke ke oa A hlatsoa. Pilato o lekile hoo. A leka ho e fetisetša ho motho e mong, le ho re, "Mo romelle Sesare, kapa motho e mong ea joalo, 'me u bone seo a se etsang." Ea hloenya. Ea boela ea oela hantle mafareng a hae. Hantle!

<sup>78</sup> 'Me, kajeno, re leka ho re, "Nka rata, hola monna oa ka! Yaa, nka etsa joalo, hola mohatsa ka! Nka etsa joalo, hola kereke ea ka!" E boela e khutlela ho uena, hape. Ha u re, "Oh, be, kereke ea ka e lumela sena." Empa ha Jesu Krete a theohela likopanong tsena 'me a itsebahatsa Lengolong, hore esale Eëna maobane, kajeno, le kamehla, ha ke tsotelle seo tlhaloso ea hau e leng sona, E khutlela hantle mafareng a hau, 'me E matsohong a hau. Ha ho letho, baena le likhaitseli, leo u ka le etsang.

<sup>79</sup> Metsoalle, hopolang sena, lona ba California, le ntlheng ea Lebopo la Bophirima mona. 'Me tsoelopele e haotse le eona, 'me tooti eohle e ntse le fofela kahare. 'Me, ntho e latelang, E tla ea ho Iseraele mohla Kereke e nyolloang. Nkang temoso! Tsela ea ho tlosa Mali a Jesu Krete matsohong a hau e 'ngoe feela, ke ho A kenya pelōng ea hau. Tsela e 'ngoe feela. E ke ke ea sebetša ka tsela e 'ngoe. Ho re, "Ha Ke bona Mali, mohla a tlotsitsoeng sebakeng se nepahetseng!"

"Be," u re, "ke lumela Mali."

<sup>80</sup> Ho thoe'ng holane ba a lahlele kantle ka jareteng e ka morao? Ho thoe'ng holane ba a kentse ntlung ea likhoho? Holane ba a lahlietse karacheng? Che. A ne a loketse ho tsoasoa tulong e itseng, e leng holim'a kosene.

<sup>81</sup> Ka pelong, ke hona moo Molimo o batlang Mali, kajeno. E seng matsohong a hau, empa pelong ea hau, Molimo o a A batla.

<sup>82</sup> 'Me E matsohong a hao, kajeno. Haeba u eso Mo amohele, 'me u tsoere Tiiso pelōng ea hao, E matsohong a hao. Boitsebiso ba Hae ba Lengolo la Hae, matsatsing ana a qetelo, ba Le khutlisetsa hantle morao matsohong a rona. Re ka etsa'ng ka Jesu enoa ea bitsoang Krete? Re tla etsa'ng ka Eona? Ntho e le 'ngoe feela, ke ho bonahatsa Mali a Hae, ka ho A lumella ho lula pelōng ea rōna, ka Moea o Halalelang.

<sup>83</sup> Rona, re jere boikarabelo. E mong le e mong oa rona ea seng tlasa Mali ao, Molimo ha o na boikarabelo ba eona, le e mong ha a eo.

<sup>84</sup> Lelapa lohle le ne le loketse ho tla, e seng setho se le seng feela. Ho re, "Be, haeba ntate e le monna ea lokileng, ke moreri, ke tla bolokeha." Che, monghali. Ntao ea lokileng le 'mao ha ba amana le uena ka letho. U motho ka bomong.

<sup>85</sup> "Ke setho sa kereke e halalelang, kereke eo." Kereke ha e amane le uena ka letho.

<sup>86</sup> Ha ho ntho e kang kereke e halalelang. Ha ho ntho e kang motho ea halalelang. Moea o Halalelang o 'moho le batho. Moea o Halalelang ka kerekeng. Ha ho lithaba tse halalelang, ha ho linqalo tse halalelang; ke Molimo o halalelang. Hase uena ea halalelang, 'na ea halalelang; ke Eèna Ea halalelang.

<sup>87</sup> Re jere boikarabelo ho Eèna, e seng ho kereke. Re jere boikarabelo ho Molimo le Lentsoeng la Oona, 'me Molimo ke Lentsoe. Bible e Mo tlalehile joalo. Re jere boikarabelo ba Hoo. Eo ke Jesu Kreste.

<sup>88</sup> Lemohang seo A se entseng mohlantso oo. Re fumana lelapa lohle le ne le bolokehile feela ha letšoao le pepesitsoe. Ha letšoao le ne le bontšo, ba ne ba bolokehile.

<sup>89</sup> Shebang khaolong ea 2 ea Joshua, re fumana mona seotsoa se lumelang, se bitsoang Rahaba, seotsoa sa Molichaba, mose ho noka, ha ba kena lefatšeng la pallo, lihloela tsa ea hloela, bohle ba lelapa la hae ba pholositsoe tlasa letšoao, hoo feela. Hopola, lengeloi la Molimo le timetsang le hlomphele letšoao leo. Eitseha likereke li theoha, ramotse a oa, motse oa heleha, khosi ea theoha, 'musisi, barutehi, basali ba batle, banna ba batle, ba bohlokoa, ba ikakasang ka bobona, 'me ntho e 'ngoe le e 'ngoe ea heleha e neng e se tlasa letšoao leo. Amen.

<sup>90</sup> Ho tla ba joalo le ho Tleng ha Mora Molimo, Lengeloi la Hae le timetsang le tla timetsa ntho e 'ngoe le e 'ngoe e se nang Letšoao la kolobetso ea Moea o Halalelang holima bona, ho bontša hore u tsehahalitsoe, 'me u shoela, u ichoeletse, nqa Sehlabelo sa hao, 'me u tsoaletsoe ho Moea oa Molimo, 'me ba tiisitsoe mono ka Moea o Halalelang. Molimo o le mong feela, 'me ke Eèna feela Ea buang Lentsoe le nepahetseng, 'me Ke Lena. Ha ho mang ea ka tlosang letho ho Eona. Lemohang.

<sup>91</sup> Jeriko e ne e utloile seo Molimo o neng o se etsa. Jeriko e ne e utloile lentsoe. Le hopola seo seotsoa se se buileng, "Re utloile kamoo Molimo o entseng lintho tse kholo. Ke a tšaba. Na u ka mpaballa ha nka u hauhela?" Jose- . . .

<sup>92</sup> 'Me Kalebe le—le—le Joshua ba ba boleletse hore ba etseng, mokhoa oa ho khoesa thapo ena e khubelu, 'me ba lule tlas'a eona. "Ha re a jara boikarabelo ba motho a le mong!"

<sup>93</sup> Ho re, "Na nka kenya ntate oa ka? Na nka nkenya 'mè oa ka? Na nka kenya baena ba ka, likhaitseli tsa ka, baahisane ba ka?"

"Kenyang bohle bao le ka ba khonang tlas'a lona."

<sup>94</sup> Ho a tšoana le kajeno, moena. Ha se, "Na re ka tlisa Mamethodise? Na re ka tlisa Mabaptise? Na re ka tlisa Mapentekosta?" Bohle ba ikemiselitse ho kena tlas'a Lona, Molimo o tla u amohela. Empa Hoo, 'me Hoo feela, ho tla u amahanya le Eèna feela. Hlokomela. Ee.

<sup>95</sup> Matla a Hae a maholo le lipontšo tseo A li entseng tlase mono, 'me ba li bone 'me ba li tsebile. Hobaneng re sa fumane basali le

monna, kajeno, ka botšephehi bo tšoanang le ba mosali eo, ha re bona seo Molimo a tšepisitseng ho se etsa 'me re 'Mona a se etsa?

Eaba, ntho e latelang, ho latela kahlolo.

<sup>96</sup> Ba tlameha ho lumela hore ba ne ba—ba ne ba le... Ba lumetse, ba tšoanetse ba be ba lumetse hore ba bolokehile lerakong le leholo leo, moo ba neng ba le teng, lelapa la bona le leholo, tulo ea bona e khōlō ea tonana. Batho ba bangata kajeno...

<sup>97</sup> Ke bua sena, ka boikokobetso le hlomphe. Batho ba bangata, kajeno, ba re, “Ke setho sa kereke e kholohali motseng. 'Mè e ne e le setho sa kereke eo. Ke e 'ngoe ea likereke tsa khale ka ho fetisisa.” Hoo ha ho amane le eona ka letho. E—e Letšao le loketse ho takoa!

<sup>98</sup> Ekaba ba nahanne, ntho e khōlō eo ba phetseng ho eona, tsamaiso e khōlō eo, e neng e tla ba pholosa. Empa re fumana, ntho e 'ngoe le e 'ngoe e sa kang ea bontša letšao leo, e timetse, motseng. Ho tla ba joalo ho tleng ha Mora motho; O se a boletse joalo.

<sup>99</sup> Bashanyana ba liteipi ba tlamehile ba ne ba le teng, kapa motho e mong, ho khukhunela tulonge tlase mono 'me a ba bapalla liteipi, kapa ntho e 'ngoe e sele, le ho fumana ba reriloeng pele. A nka ntlu ea hae eohle, a e sebelisetsa kereke, 'me a amohela baromuoa.

<sup>100</sup> Eitseha ba fumane bohle, motseng, ba neng ba tla kena tlasa lona 'me ba lumela letšao, hoba a kenye bohle ka mono, eaba tšenyeho e a fihla. Eitse ha khalefo ea Molimo e senya tsamaiso eo e kholo eo ba e theileng tlase mono, letšao la pontšo la boloka ntlu ea hae ka polokeho. Pontšo ea letšao, e seng letho le sele.

<sup>101</sup> Ho sa tsotellehe disosaiti tse kae, le dintho tse lokileng hakae tsa Sefapano se Sefubelu, tseo kaofela li ntle, hona hokae, 'me ke mekhatlo e mekae ea phano, ntho e 'ngoe le e 'ngoe e neng e se tlas'a letšao leo e ile ea timela. Joale e nahaneng, ntho e 'ngoe le e 'ngoe e timetse! Ha ke tsotelle boholo ba kereke ea bona, e ne e le litho tsa bolumeli bo bokae, e ne e le paleisi ea khosi; ntho e 'ngoe le e 'ngoe e timetse.

<sup>102</sup> 'Me ntho e 'ngoe le e 'ngoe e timetse Egepete, e neng e se tlas'a letšao leo.

<sup>103</sup> Joale, Molimo ha o fetole litsela tsa Oona. O tšoare Letšao kajeno. Moena oa ka, khaitseli, u mpe u Le amohele. U mpe u Le fumane. Hopola feela, ke temoso.

<sup>104</sup> Shebang, bona bophelo boo letšao le bo entseng, le—le eona ntho eo—eo letšao le e entseng Egepete, la boloka ntho e 'ngoe le e 'ngoe e neng e le tlas'a lona. Ntho e 'ngoe le e 'ngoe kante ho lona ea timela.

<sup>105</sup> Joshua ke papiso ea Jesu. Etsoe, *Joshua* e bolela “Jehova-Mopholosi,” le *Jesu* o bolela “Jehova-Mopholosi.” Joshua o ne

a tšepahetse pontšong ea Letšoao leo baromuoa ba hae ba le rerileng. Ka mokhoa o tšoanang Jesu o tla tšepahala pontšong ea Letšoao eo baromuoa ba Hae ba e rerileng, mohla A tlang. Bohle ba tlasa eona ba ile ba pholoso, Egepete. Bohle ba tlasa eona ba ile ba pholoso, Jeriko. Ho ka thoeng kajeno? Re fumana, mali a konyana e ne e le papiso ea Jesu Krete. Ho lokile.

<sup>106</sup> Ho Baheberu 13, re fumana sena, se bitsoa mono, “Selekane sa kamehla.” Molimo o hlabile selekane le bona. Empa Mali joale ke selekane sa kamehla, Mali a Jesu Krete.

<sup>107</sup> Litšepiso tsa Molimo tse tlameletsoeng Maling li re lokolla sebeng le boroneng, li re lokolla nthong efe ea lefatše. Ho sa tsotelehe re leka ho e bapisa hakae, lefatše, ntho eohle e shoele. Haeba re le litšepisong tsa Molimo tse tlameletsoeng Maling, ha re bone letho haese Mali. Ba ne ba ka sheba kantle ho monyako oo joang ba sa bone mali? U ka sheba ntho efe feela kantle usa bone Mali a Jesu Krete pele? Haeba u le ka ho Krete, u bona Seo, ho Mo khumamela le ho bontša litšepiso tsa Hae ka matla. O tšepisitse lintho tsena ho tla. Batho ba Hae ba tlameletsoeng Maling ba ka ho Eèna, ba tiisitsoe ka Mono ke Moea o Halalelang, 'me ba shebile Mali le tšepiso feela. Ba ke ke ba sheba lefatše. Ba shoele lefatšeng, 'me lefatše le shoele ho bona.

<sup>108</sup> 'Me ho bona Bakreste, kajeno, ba ka etsang sohle seo lefatše lohle le se etsang, ho ba etsisa, ba rohakana joaloka bona, ba noa joaloka bona, ba tsuba joaloka bona, 'me ba tsetetsoe serobeng sa kolobe sa sebe, le liholong tsa metjeko, le lintho tse kang tsa bona, 'me ba ntse ba ipitsa Bakreste? U ke ke ua etsa joalo, motsoalle. Ke ka lebaka leo batho ba sa lumeleng Matla a Molimo, ha ba lumele lipontšo le meeka: ba se ba shoele linthong tseo 'me ba—ba tsosoa koana lefatšeng. Empa ba shoele nqa lefatše, ba tsositsoe ka ho Krete 'me ba shebeletse tšepiso ea Hae.

<sup>109</sup> *Testamente e Ncha* e bolela “Selekane se Secha.” Bophelo ba Mali, Bophelo ba Mali ka Sequ, ke Letšoao. Bophelo bo tsoang Maling ke Letšoao. Hopolang, ka Testamenteng ea Khale, mali a sebele a konyana a ne a lokela ho tlotsoa. Mona, ke Letšao la Mali; ke Bophelo bo tsoang Maling, bo ka hara motho, e le Letšoao. Oh, khili!

<sup>110</sup> Letšoao le lecha ke Bophelo bo bocha bo tsoang ho Jesu Krete, mohla Mali a Hae a neng a tšolloa, ho halaletsa Kereke le ho E tlatša ka Boteng ba Hae, hore A tle a bonahatse Lentsoe la Hae le litšepiso tsa Hae ho batho.

<sup>111</sup> “Molimo, mehleng ea khale le ka mekhoha e mengata,” Baheberu 1, e boletse, “O buile le bontate ka baporofeta, empa letsatsing lena la ho qetela ka Mora oa Hae, Jesu Krete.” Mora oa Hae ke eng? Lentsoe. “Lentsoe le ne le etsoe nama la aha har'a rōna.” 'Me *Ena* ke Tšenolo, botlalo ba Krete. “Ekare ha e mong a eketsa lentsoe le le leng ho Eona, kapa a tlosa le Leng ho Eona, le

eèna ho tla tlosoa, kabelo ea hae, Bukeng ea Bophelo.” Tšenolo ke eo. Re hloka Letšoao feela ho phelisa Lentsoe leo hape. O rometse Letšoao ka morero oo. E re fa setatements, e re fa setatements seo, 'me re a tseba ke 'Nete.

<sup>112</sup> Letšoao le lecha lea bontša Jesu o phethile tlhoko e 'ngoe le e 'ngoe molemong oa rona, 'me O teng mona, Letšoao le lecha. Letšoao la Moea o Halalelang le re supa re tseba hobane Jesu a shoele ho re lokolla linthong tsohle tsa lefatše, 'me Letšoao le holima rona le paka hoo ka ho netefatsa seo A se buileng.

<sup>113</sup> Joale motho a ka ipolela joang a tsoareletse Letšoao leo ka pela hae, a ntoo latola seo Lentsoe lena le se bolelang? Ha ho joalo. Ho ke ke ha ba joalo. Molimo o ke ke oa bua leshano ka Lentsoe la Oona ka Sebele.

<sup>114</sup> 'Me ka hobane A le teng mona, re na le e—e tokelo ho tsohle tseo A re lefetseng tsona. Lemohang, Letšoao le ne le loketse ho etsa'ng? Ho lefella. Ke moputso o lefeloeng. Ha u na le Letšoao, u na le tokelo ea ho hlalisa Letšoao leo, nthong e 'ngoe le e 'ngoe eo A u lefeletseng eona. 'Me ha ho motho ea ka e rekang ntle le Lona. E ka rekoa ka Letšoao feela.

<sup>115</sup> Hopolang, haeba o ne o tlohlile mona ho ea tseleng ea bese, ho re, “Mona, ke a u bolella, ke na le—ke na le letšoao le buang tsela esele ea bese.” E ke ke ea sebetsa. “Ke na le letšoao le reng e tsoa Maine, ho tsoa New Hampshire.” E ke ke ea sebetsa California. U tlameha ho tsoaora letšoao la tsela eo ea bese, hore u khone ho reka. E bontša hore u lefile tefetso eo beseng eo.

<sup>116</sup> 'Me ha re khona ho pepesa Letšoao la Moea o Halalelang, e re supa re amohetsoe ka ho Krete, 'me ke lona Letšoao la rona le bontšang hobane tsohle tseo re li hlokang li lefeletsoe ke Eèna. Re setlamo le Letšoao la rona. Letšoao le tlamehile le be le lokile.

<sup>117</sup> Mali, Mali a Selekane, ha a hlomphuoe kantle ho Letšoao. Lentsoe le re kholisetša tšepiso. Letšoao ke pontšo ea hore tefello e etselitsoe rona.

<sup>118</sup> Kutlo e tletseng Lentsoe le tletseng la Molimo e re fa tokelo Letšoang. Ha ho tsela e 'ngoe, u ka fuoang tokelo Letšoang le ka mohlal, ho fihlela u mamela Lentsoe ka botlalo. E seng seo motho e mong a se kentseng ka ho Lona, le ho ekeletsa ho Lona; empa seo Molimo o se buileng ka Lona!

<sup>119</sup> Mohla A itseng, “U tsoanela ho tsoaloe labobeli,” hoo ha ho bolele ho tlolela holimo le tlase aletareng, hoo ha ho bolele ho ea morao mono le ho tsukutla matsoho le molisa, hoo ha ho bolele bothoto bona bohle boo re bo boneng bo etsoa, ha e bolele ho ngola lebitso la hau bukeng ea kereke, e bolela lefu ho boleng ba hau ba pele, le Bophelo ho boleng ba bobeli. E bolela hore Mali a tlotsitsoe, 'me u suptjoa ka Bophelo ba Jesu Krete. 'Me haeba E le Morara, 'me rona re le makala, Bophelo bo ka har'a lekala bo ka har'a . . . hape ho tsoa ho Morara. Se tla bea tholoana.

<sup>120</sup> Haeba lekala leo la pele le hlaha, lekala leo le tsoang ho Morara oo, le ngotseng buka ea Liketso ka mora lona; haeba lekala leo le ka hlahisa . . . Morara o hlahisa lekala le leng, ba tla ngola Buka e 'ngoe ea Liketso ka mora lona, hobane ke Bophelo bo tsoanang. Haeba sefate se seng sa morara oa hau kantle mona se beha merara e bolou, ha se ka hlahisa lekala le leng, se tla beha merara e bolou.

<sup>121</sup> 'Me kea le bolella, kajeno, re hlomme merara e mengata e entetsoeng ho Lona, ka mekhatlo ea malumeli le ka litumeloana le lintho, 'me koana tholoana efe ea sitrase e entetsoeng e ka phela, e phela ka hara Morara oo, empa e beha tholoana e phoso.

<sup>122</sup> Seo re se hlokang, kajeno, ke kolobetso e 'ngoe ea Moea o Halalelang, le ho fumana Matla a 'nete a Molimo a tsebahatsang mesebetsi eo Jesu Krete a e tšepisitseng letsatsi lena, e seng hakaalo ka letsatsing *leo*, letsatsing *lena*, tšepiso eo A e entseng mona. Ke seo A se tšepisitseng mono, O tla tšela Moea oa Hae. Joale O e tšepisitse hape matsatsing a qetelo, le seo A tlang ho se etsa.

<sup>123</sup> Ho a makatsa, re ka hetla morao kamehla, empa ha u shebe pele. Motho o joalo. Kamehla o a bua, a tlotlisa Modimo ka seo A se entseng, ho Mo rorisa ka seo A tlang ho se etsa, le ho iphapanyetsa seo A se etsang. Ke temalose ea motho ka mehla. Ho sa ntse ho tsoana.

<sup>124</sup> Kutlo e phethahetseng ea Lentsoe e tliša Molimo, Lentsoe la Bosafeleng, ka ho uena, 'me hoo ke Letšoao. Ha Lentsoe le ahile ka ho uena, Ke Krete ka ho uena.

<sup>125</sup> Joale lemohang mohla, ke hona, ha re rapela, haeba re tšoere Letšoao, 'me ha re rapela, re na le Letšoao, re hlahisa Letšoao la rona 'moho le thapelo ea rona. Joale, ha u kula, ha u le moetsalibe, ha u hloka, ha u ena le Letšoao, u na le tokelo. Haeba ke tšoere letšoao la tsela ea bese, letsohong la ka, ba ke ke ba nthibela beseng eo; ba nkile chelete ea ka, 'me ke tšoere letšoao. Lebakeng lena, ha ke a lefa moputso oa ka, u ne u ka sitoa ho o lefa, empa O re lefeletse oona le ho re neha Letšoao. Amen. Ke na le tokelo pholisong ea Khalalelo; Jesu Krete o shoele hore nka fumana pholiso ea Khalalelo. Ke na le tokelo ea ho tseka tšepiso e 'ngoe le e 'ngoe Bukeng eo. Neng, ha u e fumana? Ha u ena le Letšoao 'me u ka hlahisa Letšoao 'moho le thapelo ea hau. Haeba u se na Lona . . . Pontšo ea kutlo e tletseng; tefello e lefille.

Pauluse o a re bolella, "Mali a bua."

<sup>126</sup> "“Mali a bua, 'na re boletse? 'Na Mali a bua? Na A ka bua? Letšoao le a bua?” E, monghali.

<sup>127</sup> Ha re ka—re ka sheba ho Genese 4:10, “lentsoe la mali a Abele le hoeletsa khahlano le Kaine.” Re fumana, ho Baheberu 12:24, ho thoe, “Mali a Jesu Krete a bolela litaba tse molemo.” Mali a bua! K'hemistri e ka bua joang? Ke Bophelo, bo Maling, bo buang. Moea o nong o le ka ho Kaine o ileng oa hooa, o . . . kapa

ka ho Abele. E ne e le Bophelo bo neng bo le ka ho Krete bo hlabang mokhosi oa lintho tse molemo ho feta life! Bo a bua, 'me Bo bua haholo. Ke Moea o Halalelang. O bua o hlakile, O re bolella hore nako e fihlile mona. Ha re e bona moo E itseng e tla e bolela, 'me re e bona e khutla 'me e supa seo E se buileng, ke, ha ho letho le setseng haese ho E lumela, ke hantle, ho E amohela.

<sup>128</sup> Ho lumela molemong oa hao, le ho sebelisa Letšao hape bakeng sa lelapa, joaloka ha ba entse Egepete, le joaloka ha ba entse Jeriko. Liketso 16:31, re fumana, Pauluse o boleletse e—e Moroma joalo, “Kolobetsoa, u ntse u bitsa Lebitso la Morena,” eëna le ba ntlu ea hae ba ka bolokeha ka ho etsa hona hoo.

<sup>129</sup> Tsoa! Batho ba bang ba batla ho tlotsa Mali le ho lula kahare. Tšasa Mali 'me u leleke lithole tsohle ka tlung, 'me kenele nako ea ho hloekisa ntlu. Lōna basali le hlobole lishotso tseo. Lōna banna le lahle lisakrete tseo; le lōna basali, hape. Ntša lintho tse tsohle tsa khale tsamaisong mona, tse bitsoang lefatše. “Ekare ha u rata lefatše, kapa lintho tsa lefatše, ke hobane lerato la Molimo ha le eo ka ho uena.” Ha u itokisetse ho sebelisa Letšao, eba phophotha 'me u itokisetse Lona. “U ke ke ua sebeletsa Molimo le mamona ka nako e le 'ngoe.” Basali ba fihla . . .

<sup>130</sup> Ke haotse naheng ena. Ke tšoaetse ka Mof. Kennedy, ka mokuto oa hae oa Jesebele, le tsohle tse joalo, le ka lihlooho tsa hae tse kholo tsa metsi, le basali bana. Kea ipotsa, hola Mof. Kennedy a utloa Melaetsa eo ke e rerileng, ekabe a holisitse moriri oa hae, khale koana. Empa ke parotse naha ena, pele le morao, ke bontša ka Lentsoe, hore e fosahetse, le tsuo ea basali ho kuta moriri oa bona, 'me basali ba Pentekosta ba tsoelapele, ba itšoere ka ho tšoana. A ka tsoha ka letsatsi la Kahlolo, a sa e tsebe, empa lona tseba hantle ho feta. E bontša hobane Madi ha a eso tlotsoe. Ha ho Letšao.

<sup>131</sup> Moriri o molelele ke—ke kano ea Bonazari. E bontšitse hore u ikarotse lefatšeng, ho mamela Lentsoe. Amen. Samsone o holisitse moriri oa hae, ka kano ea Bonasare. Joale re elelloa lintho tse.

<sup>132</sup> Le basali ba aparang ba etsisa ba etsa lintho, 'me monna a ba lumella ho etsa joalo, ke sehlopha se seholo sa bommisi! Ekare ha ho sa na banna hape. Le bona banna ba roala dieta tse pinki, le—le bareri sefaleng, ntho e kang eo. Ke lihlolong. Ke rata ho bona monna hape e le monna ka ho feletseng. Eka matla a teng a ba qobellang ho e etsa, ke liabolosi le khatello ea letsatsi lena. Ke hantle. Ka linako tse ling monna oa boima ba lipondo tse makholo a mabeli, le mesifa *joalo*, 'me ho se le ounse ea monna ka ho eëna; a itšoere joaloka 'misi e moholo kantle mona. Ke rata, monna e be monna. Basali e be botšehali, e be mafumahali. Ha Letšao le takiloe, ba khutlela nthong eo. Molimo o ba entse ba fapane, 'me ba fapane. Monna o batla ho tšoana le basali; basali ba batla ho tšoana le monna.

<sup>133</sup> E bontša khopamiso, moea o lefifi o lopaletseng holimo, botšo bo opaneng holima batho. Ke hora ea pitso. Lefifi le aparetse Egepete, pele ho bitsoa, eaba letšoao lea takoa. Ke nako ea hore kereke e fumane Letšoao, kapa botšo bo apesitse batho. Botšo bo opaneng!

<sup>134</sup> E, hloekisa k'habote, hloekisa ntlu ena, oh, re fumana tlhoekiso e iphotlileng ea mehla ea khale! Mali a tlotsoe, 'me ke moo Letšoao le tla kena. E hloekise! E halaletse!

<sup>135</sup> Ebe u kenya Letšoao thapelong, ka tšepo, ha u se u itlhoekisitse, u tlhile linthong tsa lefatše, u lahlile ho se lumele hohle. "Ha ke tsotelle seo batho ba se buang. Haeba Lentsoe la Molimo le e bua, 'me le e tšepisitse, ke a e lumela. Haeba Lentsoe le e bua, ke phetho. Ha ke tsotelle seo motho mang a se buang." Ua bona? 'Me joale ha u entse hoo hohle, o takile Mali 'me u lumela Lentsoe le leng le le leng, nka Letšoao la hao thapelong, u kholisehe ka botlalo.

<sup>136</sup> Re bala ho—ho Baefese, khaolo ea 2 le temana ea 12, seo Molimo o se buileng ka eona, ha re se re takile Letšoao lena. Lemohang, "ho sebeletsa Molimo o phelang," ka mesebetsi e phelang, le ka lipontšo tse phelang, ka Letšoao le phelang. E seng mesebetsi e shoeleng, le mesebetsi ea nama, e seng mesebetsi e shoeleng. Baheberu 9:11-14, e re bolella hape, ntho e tsoanang. E seng litumeloana tse shoeleng; empa Letšoao le phelang! Bao, litumeloana tsena, li latola ntho e kang Letšoao. Ebile ha ba lumele ntho e kang Letšoao, kolobetso ea Moea o Halalelang.

<sup>137</sup> Empa rona ba lumelang Lentsoe, re tseba hantle ho feta, re a tseba, 'me ke Boteng ba Hae bo phelang bakeng sa rona tsatsing lena. Re ikarotse mesebetsing e shoeleng, 'me Moea o Halalelang o a kena ho thasisetsa Lentsoe le ho le etsahatsa joalo. Baheberu 13:8 e re pakela seo, e paka hoba Molimo o Mo tsoselitse rona, ho latela Lentsoe la Hae la pallo. Ho se ho fetile likete tsa lilemo, lilemo tse likete tse peli, mohlomong, li fetile, empa (ke eng?) Letšoao le sa ntse le tiiselitse, hore Molimo o Mo tsositse ka letsatsi la boraro. Haeba u tsoere Lentsoe feela, ke phetho seo u se tsoereng. Empa ha Letšoao le takiloe, eba Krete ke bonnete ho uena, 'me O sebetsa kajeno joalokaha A entse mohlango oo. 'Me ka hona e boela e lahleloa hantle mafareng a bona hape; ha ba khone ho e koekoetla. Molimo o e tšepisitse, 'me ke Ena. Empa, Letšoao le loketse ho takoa, u nka Letšoao.

<sup>138</sup> 'Me ha—'me ha u amohela Mali a Hae a sehlabelo, ke moo A re fang Bophelo, Bophelo ba Letšoao, 'me Ke Tiiso ea tšepiso. Baefese 4:30, "Le se ke la soabisa Moea o Halalelang oa Molimo, oo le tsoailoeng ka 'ona ho fihlela letsatsi la topollo ea lona." Ebe, ka ho kolobeletsoa ka ho Eèna, Bakorinthe ba Pele 12, re fetoha karolo ea 'Mele oa Hae.

<sup>139</sup> 'Me botlalo bo ka ho Eèna, ka ho Eèna ho ahile bokhoni bohle boo re bo hlokang. Ke thabo ea ka, Ke Bophelo ba ka, Ke nyakallo

ea ka. Ke oa ka . . . O fetisa . . . Che, ha kea tlameha ho pakutsa sakrete ho ikhatholla, ke nka Mohalalitoe oa Phula, Ke Opiamo, Ke Eona ntho e—e ntsamaisang marung. Ke *Bokhoni-bohle* ba ka, Ke Litšepo tsa ka, Ke Phomolo ea ka, Ke Molimo oa ka, Ke Mopholosi oa ka, Ke Mofolisi oa ka, Ke sohle seo ke se hlohang, hobane ke a shoa, re shoela ho Eèna, 'me re kolobeletsoa ka ho Eèna, 'me ka ho Eèna ho ahile bokhoni bohle.

<sup>140</sup> Mamelang ka hloko ke sa hlalisa tlhahiso ena e koalang. Ha Satane a leka ho u neeletsa nyee ena, e kang maloetse, u tseba seo u se etsang? Mo bontše Letšoao feela. “Ke sehlahisoa se rekiloeng. Pholiso ea ka e lefiloe. Ke sehlahisoa sa Molimo, hobane ke tsoere Letšoao la Moea o Halalelang. U ke ke ua nthibela 'Mila ona. U ke ke ua nthibela bophelong bo koenneng. Ke hlalisa Letšoao le ho u bontša hore 'na . . . 'Ke folisitsoe ka maeqeba a Hae.' Tsoho ea Jesu Kreste ke ena, hantle ka ho 'na joale, ho u pakela eona.” Oh, ntho ea sebele ke eo! Letšoao ke leo.

<sup>141</sup> Ke ka lebaka leo batho ba sa Le lumeleng, ke ka hona ho leng thata ho bona ho bona ho: Letšoao ha le eso takoe. Lea bona, ke ka hona u reng, “Oh, matsatsi a mehlolo a fetile.” U e etsa ka bofofu.

<sup>142</sup> Jesu o itse, “E-eang ka lefatše lohle, le bolelle 'mopuo e mong le e mong Evangeli. Ea lumelang a kolobetsoa o tla bolokeha; ea sa lumeleng o tla tsuoa. Mehlolo e tla tsamaea le ba lumelang ke eona ena.” Ho fihlela kae? “Lefatšeng lohle, ho 'mopuo e mong le e mong.” “Ka Lebitso la Ka ba tla leleka matemona; ba tla bua lipuo tse ncha; ba tsoare linoha; leha ba enoa lintho tse bolaeang, li ke ke tsa ba etsa hampe; ha ba bea bakuli matsoho, ba tla fola.” Bea Letšoao, 'me u ntano tseka litokelo tsa hau. Le tsukutle ka pel'a Satane!

<sup>143</sup> Moqhobi oa bese o re, “Hela!” Monna oa sefofane o re, “Hela! U ke ke ua palama sefofane sena.”

“Letšoao ke leo.” Amen!

<sup>144</sup> “U matamuke haholo. Ha u . . . U malabulabu. U mofutsana haholo. Ha re nke monna e monyenyanane, monna e moholo.”

<sup>145</sup> “Empa ke tsoere letšoao.” Amen! “O ke ke oa nthibela eona.” Allelua! “Ha ba mpha letšoao, ho felile.”

<sup>146</sup> Ke na le tokelo, joaloka ba bang bohle. Ke na le tokelo, joaloka Pauluse feela. Ke na le tokelo, joaloka motho ea kileng a kolobetsoa ka Moea o Halalelang. Ke na le tokelo e tsoanang, hobane ke na le Letšoao le tsoanang, ho bontša 'ona Molimo o lefeletseng ka eona Ntho eo ho 'na, ka lona letsatsi leo, ka eona ntho eo.

<sup>147</sup> Ke moo, Mali, Mali! Letšoao, e seng k'hemistri ea Mali, empa Letšoao, Moea o Halalelang, Bophelo bo tsoang Maling, bo tlang. Bophelo boo bo etsang? Ho tla le ho tiisa seo Letšoao le rekileng

ka sona. Letšoao le tiisa seo e—e Mali a u lefeletseng sona. Mali a lefeletse topollo ea hao. Letšoao ke bopaki ba Lona. Mali, “O hlabetsoe makhopo a rona, a tetekoa ka baka la makhopo a rona; kotlo e re tlisetsang khotso e Mo oetse; re folisitsoe ka maseba a Hae.” Ua bona, Mali ’ohle, Mali, Mali! Joale ha Letšoao le fihla, Le bontša hore u entsoe setlama le Sehlabelo seo. Amen! Liabolosi a ke ke a u thibela eona.

<sup>148</sup> Ke mohlalela ke emang kalaneng mona, ho tobana le ntho e ’ngoe le e ’ngoe e leng teng, le ho pota lefatše, le matemona. Lentsoe la Molimo le e tšepisitse. Ha feela nka tseba hore Mali a tlotsitsoe, ’me ke tsoere Moea o Halalelang oo ka pelong ea ka, liabolosi ha a na lentsoe le le leng khahlano le eona. E, monghali.

<sup>149</sup> “Re tla tsamaea moo baapostola ba hatileng,” e, monghali, hobane Letšoao le lefeletse tsela. Letšoao ke bopaki ba hore tsela e lefiloe, ’me re Le amohetse. ’Me, ho e paka, Molimo o re file Letšoao, pontšo ea hore re amohetsoe.

<sup>150</sup> Moreri o kile a mpoella, ho re, “Moena Branham, Abraham a lumetse Molimo, ’me a balloa hoba hoo ke ho loka.”

Ka re, “Ke ’nete.”

Ho re, “Motho a ka etsa ’ng haese ho lumela?”

Ka re, “Ke hantle haholo.”

<sup>151</sup> “Hape Moea o Halalelang ona u o fumana kae, kathoko le ho lumela?”

<sup>152</sup> Ka re, “Empa O mo file tiiso ea lebollo, e le tiiso ea tumelo ea hae.” Amen.

<sup>153</sup> ’Me haeba A eso u fe kolobetso ea Moea o Halalelang, koana, joale ha A eso tiise tumelo ea hao eo u ipolelang eona. Empa Letšoao ke netefatso.

<sup>154</sup> Ke re, “Ke fumane chelete, ke e lefile ofising e tlase mono!” Empa u tlameha ho bona letšoao. Ke hantle. Ha ke bontša Letšoao, ke na le tokelo.

<sup>155</sup> ’Me ha nka bontša Letšoao, la Moea o Halalelang, u na le tokelo ea ntho efe e rekiloeng eo Jesu Kreste a e shoetseng. Ke Letšoao. Shebang nakoana feela, re sa koala. Tsoara Letšoao holim’a tumelo ea hau e sa sisinyeheng Lentsoeng la tšepiso. “Ke lumela Jesu a itse, ‘Kopang Ntate eng le eng ka Lebiso la Ka, Ke tla e etsa.’” Tsoara Letšoao la hau holima Lentsoe leo la tšepiso, ’me u tsamaele hantle ho lona. “‘Ke ’na Morena ea folisang maloetse a hao ’ohle.’ ‘O hlabetsoe makhopo a ka, ke folisitsoe ka maseba a Hae.’ Ho nka Letšoao la ka, la Moea o Halalelang o ka ho ’na, ho Le tsoara holima thapelo ea ka, le ho re, ‘Morena Molimo, O e tšepisitse, “Ha Ke bona Letšoao, Ke tla u putsa. Ke tšepisitse ho e etsa.”’” A ke ke a etsa letho lesele. O sheba hantle ka Mali a Mora oa Hae ka Sebele. Ke leo Letšoao le takiloeng. O tlameha ho e etsa hobane A e tšepisitse.

156 O ne a ke ke a kena ka tlung, lengeloi la lefu, motimeletsi, le ho ntša e mong. O ne a ka sitoa ho e etsa, hoba mali a konyana a ne a le teng, tlhoko ea Jehova.

157 'Me tlhoko ea Hae, kajeno, ke Mali a Mora oa Hae ka Sebele, Jesu Krete, le Letšaoa la Moea o Halalelang.

158 Ha re na Eona; re ka ba Baptise, Mopresbeteriene, Lutherane, Mapentekosta, seo re ka bang sona feela; re ka hooeletsa, ra hlaba litlatse; re ka khona, oh, ra ruteha hakana. Ha e amane le Eona ka letho. U tšoanela ho hlalisa Letšaoa.

159 Ka hona, u lokeloa ke tsoho, hobane Matla a tsosang a se a ahile ka ho uena. Letšaoa ke Matla a tsoho, ho supa hobane Jesu o tsohile bafung. 'Me u tsohile bafung, lintho tse shoeleng tsa ho se lumele, 'me u phelisitsoe Lentsoeng la Jesu Krete. U a e lumela 'me Lentsoe le phela ka ho uena.

160 "Ekare ha le lula ho 'Na, le Lentsoe la Ka ho lona, kopang seo le se batlang." Santa Johanne 14:12, "Ea lumelang ho 'Na, mesebetsi eo Ke e etsang o tla e etsa le eëna; o tla etsa le e meholo ho ena, hobane Ke ea ho Ntate." "Ho se ho se hokae, 'me lefatše ha le sa tla Mpona; empa lona le tla Mpona, hoba Ke tla ba le lona, le ka ho lona." O entse joang? E seng 'mele, o lutse letsohong le letona la Boholo, empa Letšaoa, hore u Mo amohetse, 'me O u buselitse Lona. Nka Letšaoa leo 'me u tseke ntho efe eo u e batlang. Molimo o e tšepisitse.

161 Esale ke itse, ke kopane le lihlopha tse peli tsa batho: boramolaotheo, le Mapentekosta. Boramolaotheo, ho latela malulo, ba ithuta Mangolo 'me ba e lekanya. Ba re, "Be, re bara ba Molimo." Ba lumela seo, e, monghali, empa ha ba na tumelo ea letho ho eona. Empa Mapentekosta a na le tumelo e ngata, 'me ha ba tsebe hore ke bara ba Molimo. Joaloka monna ea nang le chelete bankeng, a sa khone ho ngola cheke; 'me e mong a ka ngola cheke, a se na chelete bankeng.

162 Hola feela le ka kopanya ntho eo 'moho, ho fihlela banna le basali ba ka elelloa! Lōna ba kolobelitsoeng ka 'nete Moeeng o Halalelang, 'me u tšoeire Letšaoa ho le pepesa, u na le tokelo ea mahlohonolo 'ohle a topollo ao Molimo o a tšepisitseng. Sohle seo A se tšepisitseng, ke sa hau. Boloka Letšaoa la hau holima tumelo ea hau e sa timeng, u sa rapela, le holima Lentsoe la Hae. Tumelo Lentsoeng la Hae!

163 Molimo o kile oa nea batho Letšaoa, 'me lona e ne e le mookoli. Shebang, mamelang ka hloko; re a koala. Molimo o ile a lula a tšepahala ho letšaoa leo kamehla. Morao koana matsatsing a Nohe, tšenyeho ea lefatše la moroallo, Molimo o neile sechaba sena, kapa ho neha lefatše, pontšo ea mookoli, e le letšaoa. 'Me kamehla Molimo o bonahatsa letšaoa la Hae, ha likete tsa lilemo li ntse li feta. Ha A hlolehe, hoba O lebella matšaoa a Hae. Lilemong tsena tsohle tse likete, O re bontšitse Lona, ho re bontša

hore le ka mohla ha A hlolehe ho hlomphe letšoao. Le ka mohla ha A hlolehe ho le hlomphe.

<sup>164</sup> O re lebeletse ho pepesa Letšoao la tumelo ea rōna, ho sehlopha sa Satane, le ba sa lumeleng, le mekha, le lintho tse joalo, tse sa Le lumeleng; hore re lumela seo A se buileng ka litšepiso tsa Hae, le hore Jesu Krete o tsohile bafung, ho Ipontša a phela. 'Me Leo ke lemao, Letšoao la boitsebiso, hoba ke Bophelo ba Krete ka Sebele ka ho uena, ho tsebahatsa Lentsoe. Ha E hloke letho lesele.

<sup>165</sup> Ke Letšoao leo. Ntle le Letšoao . . . E bontša hore tefello ea leeto e lefiloe! E bontša hore u motho ea tla tsosoa bafung! Molimo oo, ona Matla a tsositseng Jesu lebitleng, u tsoere ka ho uena, e le Letšoao. Moea o Halalelang, ka ho uena, ke Letšoao le u ntšang lebitleng. Hobane, Letšoao ke Molimo, Moea o Halalelang, e leng Bophelo Bosafeleng. E tsoa lentsoeng la Segerike, Zoe, e bolelang "Bophelo ba Molimo ka Sebele" ka ho uena. 'Me ke eona feela ntho e lefellang moputso. Ha Letšoao leo le le sieo, u tla tsoha joang?

<sup>166</sup> Moena, khaitsetsi, bosiung bona, ka ho loka hohle hoa Molimo le Lentsoeng la Hae, le ho e mong le e mong, le ho fihla nakong eo re phelang ho eona joale, ha u se na Letšoao, ha u se na Letšoao, ba bang ba lona le ka tsoha le sa E lumele, empa E teng mona, Letšoao le tšile esale Krete a shoa, hobaneng u sa ikhomahanye lefung mohopolong oa hau bosiung bona, le ho lumella mehopolo e ka ho Eèna ho ba ka ho uena? "Mehopolo ea pelō ea ka e amohela ho Uena, oho Morena. A Lentsoe la Hau . . ." "Ha le lula ho 'Na, le Lentsoe la Ka ho lona," ke Eèna eo, "le ka kopa seo le se batlang 'me le tla se neoa." Na ha le lumele seo? [Phutheho e re, "Amen."—Mohl.]

<sup>167</sup> Ha re inamiseng lihlooho tsa rōna nakoana. [Sekheo lebanteng—Mohl.]

<sup>168</sup> Ke batho ba bakae ka mona ba tsebang, hore ka moo u phelang kateng, hore ruri ha u a tlotsa Letšoao leo, ua tseba hore ha Le eo? U a Le lumela, u Le lumela ka botlalo; empa ha u na Lona, u a tseba hore ha u lona. Na u ka phahamisa letsoho la hau, ho re, "Nthapelle, Moena Branham"? Lihlooho tsohle li inamisoe. Molimo a u hlohonolofatse.

<sup>169</sup> "Ha ke na Lona. Ha ke na lona, Moena Branham. Ke lekile ho Le amohela. Ke a Le lumela, empa ruri ha Le eso takoe ho 'na. Ke sheba ka seipone, ke a bona ha ke moo. Ke sheba kamoo ke—ke ikutloang, se ka hare ho moea oa ka, ke tletse khalefo, mabifi, ke a boulela. Ke tsoere tsohle . . ." Oh, khili! Hoo ho tla soabisa Moea o Halalelang ho tsoa ho uena, hona joale. Le a bona? Le a bona?

<sup>170</sup> "'Me ke a u bolella, ke—ke—ke etsa joalo, ke bona Lentsoe 'me ke Le bona le thasisetsoa; empa koana ke—ke na le sehlopha sa batho bao ke tsamaeang le bona, kerekeng ea ka, kapa mokhatlo

oa ka, mokete oa likarete tsa ka, kapa ho hong. Ha ke khone ho li tela.”

<sup>171</sup> Hoo ho u supa u se na Letšoao. “Ekare ha u rata lefatše, kapa lintho tsa lefatše, lerato la Molimo ha le . . .” “Tsoang hara bona,” Bibeletse e boletse, “le se ke la ama sesila sa bona.”

<sup>172</sup> Metsoalle, e ke ke ea hlakisoa ho feta joale. E ke ke ea etsoa. Letšoao le teng mona, ha re ka Le lumela. Le a E lumela na? [Phutheho e re, “Amen.”—Mohl.] Na le tla E amohela? Ho lokile.

<sup>173</sup> Morena Jesu, ba matsohong a Hau joale. Ha Letšoao, Letšoao, la hore Jesu ha a shoa; Letšoao, la hore Jesu o tsohile bafung 'me o teng mona bosiuang bona. Ke Letšoao la tsoho ea Hae. Eena ka Sebele ke Lentsoe. O teng mona ho thasisetsa sohle seo A se buileng. O teng mona ho thasisetsa tšepiso ka 'ngoe eo A e entseng. Hola batho ba ka e bona hang feela, Morena, ha se ntho eo re ka e nahanang. Ke ntho eo re tlamehang ho e tseba, Morena. Ha se “leka ho feta,” u ke ke ua khutla ua leka hape. E tlameha ho etsoa joale. Ke a rapela, Molimo, hore motho e mong le e mong a Mo amohele, bosiuang bona, 'me Letšoao la Mali le tlotsoe pelōng e 'ngoe le e 'ngoe. 'Me ho ke ho hlahe tsoseletso naheng ena mona, e tla ba kholo. Ntate, re e laeletsatsa matsohong a Hau, ka Lebitso la Jesu Krete. Amen.

<sup>174</sup> Joale re sa lutse thapelong, mang le mang a hlile a khutsitse, ho se be motho ea sisinyehang joale, motsotso feela.

<sup>175</sup> Na le a lumela hona ke 'Nete, hore Letšoao le tlamehile ho bontšoa? [Phutheho e re, “Amen.”—Mohl.] E ne e lōketse joalo, nako le nako, mongoaheng o mong le o mong, E ne e tlamehe ho pepesoa.

<sup>176</sup> Joale, seo Letšoao le leng sona, ke thasisetso ea Lentsoe la Hae. Hoo, ho Mo supa e le Lentsoe. Joale, Lentsoe le itse O tsohile bafung, 'me O phela kamehla eohle. O phela ka hara batho ba Hae, eena maobane, kajeno, le kamehla. Na le lumela seo? [Phutheho e re, “Amen.”—Mohl.] Haeba u lumela seo, joale u na le tokelo; ha u tsoere Letšoao leo, Moea o Halalelang, ka ho uena, u na le tokelo ea sohle seo lefu la Hae le u lefeletseng sona. Na le ke ke la e lumela? Joale shebang, ka hona . . .

<sup>177</sup> Joale, bosiuang bona, re ne re sa tl'o rapella bakuli, bosiuang bona. Re tla etsa hoo hosane thapama. Empa re a—rea, bosiuang bona, re ne re tla memela aletare ena.

<sup>178</sup> Mona, metsoalle, ha le ka fola, ha le ka phela nako e telele le tla kula hape, empa hang ha u nka Letšoao leo, u Le bolokile kamehla. “Le se ke la soabisa Moea o Halalelang oa Molimo, oo le tšoailoeng ke 'ona ho fihlela Letsatsi la Topollo ea lona.” E seng hofihlela tsoseletsong e latelang; ha u a tiisoa; u fuluehile maikutlo. “Empa u shoele, 'me bophelo ba hau bo patiloe ka ho Molimo, ka Krete, 'me u tiisitsoe ke Moea o Halalelang.” Hang ha u kolobelelitsoe ho Moea o Halalelang oo! Joale, u ka oa

mohaung, ke 'nete. Empa u ka se suthe ho Tiiso eo. U tiiselitsoe ho Eona.

<sup>179</sup> Joale ha u se na Tiiso eo, ha re tšepahaleng ruri. Mona re hlophisitse sebaka, 'me, sa e mong le e mong, re ka amohela Moea o Halalelang. 'Me haeba A folisa bakuli. . . Hobaneng A behile seo pelong ea ka ho etsa sena?

<sup>180</sup> Joale, eèna Jesu eo, ea tsohileng bafung, o teng mona joale. Joale mamelang. Lentsoe le ke ke la bua letho 'me la bolela se seng. O itse, "Moo ba babeli kapa ba bararo ba phuthehileng ka Lebitso la Ka, Ke teng har'a bona." Na ho joalo? [Phutheho e re, "Amen."—Mohl.]

<sup>181</sup> Joale le shebe nqa ena, ha le etsa. Ba kulang ka mona ba bakae? Phahamisang matsoho a lōna. E re feela, "Ke a kula, ke a hloka, kapa ke. . ." Ha ho hlokahale hore u kule. Feela, "Ke hloka Molimo. Moena Branham, ke hloka Molimo, bakeng sa ho hong. Ke—ke—ke lumela Jesu a le teng mona."

<sup>182</sup> Joale tšoara Letšoa la hao hantle holim'a takatso eo. Joale e reng ke le bolelle, ka Lentsoe la Hae, A—A ke ke a tsamaea khahlano le Lentsoe leo. O se a lefike takatso ea hao, haeba e khema le thato ea Hae. 'Me thato ea Hae ke ho folisa. Thato ea Hae ke ho u fa takatso ea hau. "A ke ke a hanela letho le molemong oa ba tsamaeang ka ho loka pel'a Oona," ho hlalisa Letšoa leo.

<sup>183</sup> Joale, le basele ho 'na. Empa, nakoana feela, le tle le bone. Joale bareri ke bana ba lutse ka mor'a ka, batho ka mathoko. Ho na le tumelo le ho se lumele mona, ho joalo kamehla. U ka e utloa e kena kahare. Empa ke tlolo ea Moea o Halalelang, 'me Moea o Halalelang oo ke Letšoa leo. Ke Letšoa leo.

<sup>184</sup> Joale, ha u a tlameha ho e etsa. Mang le mang e ne e se Moshe; Moshe o ne a le mong, empa batho ba e sala morao. Joale le lumele sena feela, hore O a phela kajeno. O mona e le paki. Joale e mong le e mong oa lona ea nang le ho hong pelong ea hae, rapelang.

<sup>185</sup> Joale, hola A le teng mona, u ne u tla re, "Morena Jesu, na U tla mpholisa?" O ne a tla re, "Ke se ke e entse." Le a bona, O ne a ke ke a e etsa hape. O se a e entse, empa O batla hore u e lumele feela.

<sup>186</sup> Joale, O tšepisitse, matsatsing a qetelo, seo Molimo o se entseng nameng ea motho, pejana ho Sodoma feela, qetellong ea lefatše la Balichaba, e ne e tla phetoa hape. O tšepisitse seo. Joale na O tla boloka tšepiso eo?

<sup>187</sup> O tšepisitse, Malakia 4, hore O tla etsa sena, le ho bonahatsa Lentsoe la Hae, "ho busetsa lipelo tsa bana ho bontate hape," morao nthong ea mantlha, Lentsoeng la Pentekosta, la 'nete, Lentsoe la Bibe. E seng. . .

<sup>188</sup> Pentekosta, ba re, "Rōna re mokhatlo oa Pentekosta."

189 Ha ho ntho e joalo. Pentekosta ke boiphihlelo, ha se mokhatlo. Ba lekile ho e hlophisa, empa u ke ke ua khona, ua bona. Ha e hlophisehe. Pentekosta ke boiphihlelo, Ke Tiiso ea Molimo, Moea o Halalelang o tlileng ka Letsatsi la Pentekosta.

190 Joale le lumele. Le shebe nqa ena le lumele hobane ke le boleletse 'Nete. 'Me haeba A ka Iponahatsa; ha ke tsebe haeba A tla khona kapa che. Empa, ha A rata, hoo ho tla bontša hore, Letšoao leo ke buang ka lona, hore Mali a tlotsitsoe, 'me Letšoao le teng mona ho supa hobane Mali a nepile, hore Jesu Krete o tsohile bafung. Le lumela seo? [Phutheho e re, "Amen."—Mohl.] Be, hoo, joang, e ka hlaka ho feta eng? Le a bona? Le lumele feela.

191 Moena, khaitsetli, le metsoalle, ka Lebitso la Jesu Krete, E lumele, molemong oa moea oa hau le molemong oa ba bang. U ke ke ua fumana monyetla o mong.

192 Hola Molimo o buile le 'na pele ho motheo oa lefatše, ke sa le mohopolo ka kelellong ea Hae, le uena u ne u le joalo, holane A itse, "U ka batla ho phela mongoaheng ofe?" Nka be ke itse hona joale. Ena ke eona, nako e khanyang ka ho fetisisa e leng teng.

193 Lumela, na u ke ke joalo? Joale, hore u tle u tsebe hore Jesu Krete o a phela. Joale feela, pelōng ea hao, rapela, u re, "Morena, U Moprsta e Moholo ea ka angoang ke maikutlo a mahlomola a rōna, 'me ke lumela hore U Letšoao. Joale bua le 'na, hore ke tle ke fole."

194 Motho e mong, le ho kena ka likarolo, joalo, u ka bona kae, e le hore ke se ke ka fetohela pele le morao, ka tsela *ena*. U hlokomela linako . . .

195 Le a bona, pono, ha u bona pono, e tlameha ho tolokoa, hape. E fetotsoe. Ka hona, ka linako tse ling ha u huloa ke makholo, u ka khona feela . . . 'me e tlameha ho qoholloa feela.

Joale, mang le mang ka tšabo ea ruri metsotso e 'maloa feela.

196 Hape, hoo ho tla paka. Ha motho a bua taba, 'me—'me—'me Molimo a sa e tšehetse, be, e ke ke ea eba Molimo. Empa haeba Molimo a e tšehetsa, u tlameha ho bua ho le Eèna, ka eona. E ke e etsahale tlotlisong ea Molimo, ke sa eme mona ho emela Lentsoe lena e le 'Nete.

Monna o lutse hantle mono. Haeba u . . .

197 Ke—ke ekare feela le ka bona daemensheneng ena, Leseli lena. Joale, hantle joale . . . Le a bona, se seng se etsahetse; O e ntšitse feela, joaloka ha karolo ea motho e behelloa kathoko. Ke neo. 'Me ha e etsa joalo, ke—ke lefatše le leng.

198 Monna o lutse mono, 'me o a rapela. 'Me, molato ke'ng ka eèna, o entsoe oporeishene kapa ho hong, maleng. 'Me e se e le nakoana e fetileng, empa ha e sebetse hantle. Ke tšepa a sa e fose. Empa Molimo o ka nthusa, ke tla bitsa lebitso la hae. Mongh. Price, lumela. Ha ke u tsebe, monghali, ke molata ho uena. Haeba

e le 'nete, ema ka maoto a hao. Haeba e lokile le ho tseba . . . Na ke 'nete? E, monghali.

<sup>199</sup> Joale na ha le bone? Ke eng? Ke Letšoao le tsebahatsang hore Jesu Kreste o tsohile bafung 'me esale eëna maobane, kajeno, le kamehla, ho sebetša ka nama ea motho joaloka ha A entse mono pela Abrahama, Kereke e khethiloeng, pele ho Sodoma. 'Me Jesu o itse, "E tla khutla hape, ho tlang ha Mora motho."

<sup>200</sup> Mona, monna e mong ke enoa o lutse mona, o nchebile hantle, khokahano ea sebele. Monna eo o jeoa ke bothata ba mala le ho jeoa ke bothata ba mokokotlo. Lebitso la hae ke Mongh. Flannigan. Ha ke u tsebe, empa ke 'nete. Ke mosali oa hau ea lutseng pel'a hau mono. O a sotleha, le eëna. Na u lumela hore Molimo a ka mpoella joale, khokahanong ea hau e ntle ea tumelo? Mosali oa hao o na le bothata ba mokokotlo. 'Me o na le bothata ba bosali, bo ka hara popelo. Hoo ke HO RIALO MORENA.

<sup>201</sup> Joale, ke eng? Ke mang ea etsang hoo? Bibe e boletse, ho re, "Ke Moprista e Moholo ea ka angoang ke maikutlo a mahlomola a rōna." Bibe e boletse, "Lentswe la Molimo le bohale le fetisa sabole e leolitsoeng ka nqa tse peli," therong ea Eona, ho hlaba ho isa koana, 'me ha le hlomphe khalala hloko, kapa lequloana la bolumeli, kapa eng. 'Me hape E Itsebisa e le eng? "Mosenoli oa mehopolo e pelōng." Na ho joalo? Ke hantle haholo. Hola feela u ka lumela seo! E lumele ka pelō eohle ea hao.

<sup>202</sup> Ho na le mofumahali ea lutseng hantle mona. O na le mathopa. Ha a tsoe mona. O tsoa Sacramento. Lebitso la hae ke Mof. Bradley. Ema ka maoto a hau, haeba ho le joalo, mofumahali, 'me ha re tsebane. 'Me phahamisa matsoho a hau haeba ho le joalo. Na ho joalo? Ke lumela ruri hore a tlohile. Joale mono e ne e le mosali feela.

<sup>203</sup> Mofumahali ke enoa o lutse motšeo mona. O roetse katiba, e batla e le katiba e sootho. E na le masiba. O rola ligalase tsa hae. O lutse moo, a rapela. O ne a rapella ntho ho etsahala. Mosali eo o etsisoa ke'ng joalo? Mosali eo o sa tsoa folisoa bothata ba pelō. O rapella moena oa hae, 'me o na le bothata ba pelo. 'Me sebare sa hae ha sea bolokeha, 'me o—o mo rapella ho bolokeha. Hoo ke HO RIALO MORENA. Haeba e le 'nete, mofumahali, ema ka maoto a hau, batho ba tle ba tsebe. O ne a lutse hantle mono, a bua sena, a rapella batho bao lekhateng leo. Haeba e le 'nete, tsokoletsa letsoho la hau, mofumahali, morao le pele, ba tle ba bone.

<sup>204</sup> Nka 'molella seo a neng a se rapella joang, ho tsoa kalaneng mona?

<sup>205</sup> Monna ke enoa o lutse hantle mona. O jeoa ke bothata mangoleng a hae. O ntse a rapella motsoalle ea holofetseng. Eëna—eëna, ruri, ha a tsoe mona. O tsoa Santa Maria, tulong e

bitsoang Santa Maria. 'Me lebitso la hae, ba 'mitsa Tony. Ema, haeba e le 'nete. Ke molata ho uena.

<sup>206</sup> Bea Letšao la hau ka pela thapelo ea hau! Molimo, mohlaleng Leo la Morena le ne le kopana le 'na lilemong tse fetileng. . . Mohla ke ne ke kena mona khetlo la pele, ka tsoara batho ka letsoho, ke le boleletse hore O mpoletse sena se tla etsahala. Joale ntho e kholo ho feta eo e teng. Le a bona? Le a bona? 'Me e lula e tsamaea, (hobaneng?) e tsoere Letšao leo pele ho moo. Le a bona, Moea o Halalelang, ka Sebele, O a phela. Ke Eëna ea e etsang. O boletse.

<sup>207</sup> Joale haeba motho a belaela, potoloha batho bana u ba botse haeba nkile ka ba bona, ho ba tseba, kapa eng feela. Ba mona. E sa tsoa qala e etsahala hohle holim'a moaho joale.

<sup>208</sup> Joale, mona, haeba Molimo o khona ho lemoha seo, e reng ke le bolelle taba. Ho na le bongata ba lona mona, bosiueng bona, ba hlokgang kolobetso ea Moea o Halalelang, ho tsoara Letšao leo. Uena, u a . . . U mpa u nahana hoba u na le Lona, athe ha le eo. Le se ke la hakanya feela, metsoalle. Ntumele. Ha u ntumela ke le moporofeta oa Molimo . . . Kapa, ntsoareng, ke ne ke sa ikemisetsa ho rialo. Ha ke ipitse moporofeta. Mohlanka oa Molimo, ha u lumela hoba ke mohlanka oa Molimo, ke u bolella, ka Lebitso la Morena.

Re sa inamisa lihlooho tsa rōna, nakoana feela.

<sup>209</sup> Ena ke pitso e kholo. Ke batla motho e mong le e mong ka mona, e se Mokreste, a nyolohela mona motsotso 'me ke rapele le uena, le ho u beha matsoho, Moea o Halalelang o sa le holim'a ka, tlolo e sa le teng mona. Letšao le a bonahatsoa, bopaki bo sa foseng! Na u tla khutsa e le kannete? Sutha setulong sa hau 'me u nyolohela mona joale.

<sup>210</sup> Haeba khaitsetsi mono, kapa 'mintši ofe, a ka re fa lehlaso la 'mino joale.

<sup>211</sup> Na u ka nyoloha. 'Me motho e mong le e mong eo e seng Mokreste, nyolohela koano u eme mona aletareng, nakoana feela. Ke botle. Morena a u hlohonolofatse, moena oa ka, Morena a u hlohonolofatse, khaitsetsi. Tloong hantle ho pota aletare mona, motho e mong le e mong. "Tloo, moea o mong le o tubjoang ke sebe, mohau o teng ho Morena."

<sup>212</sup> Joale na le tla e etsa? Ke hantle. Nyolohelang koano hantle, emang mona nakoana feela, lōna ba se nang Krete. Shebang, hora e a phirima, metsoalle. Lengeloi la lefu le ka khethahanya lipakeng tsa Monyaluoa le kereke, nako efe kapa efe. Na u ke ke . . . ?

. . . moea o mong le o mong o tubjoang ke sebe  
Mohau o teng ho Morena,

Na u ke ke ua tla joale ba sa bina?

Ruri O tla le fa phomolo.

213 Hobaneng? Ho u fa Letšoao, etlaba u phomotse, u a bona. U na le boitsebiso. Morena o rometse Molaetsa oa Hae, ho O bonahatsa, Topallo ea Mollo.

Mo tšepeng feela, feela . . .

214 Bakreste, lona ba nang le Letšoao, rapelang. Baetsalibe ba se nang Krete, na le ka tla, A sa ntse a tsebahalitsoe ka ho hlaka mona, e le Letšoao. Letšoao, ha A shoa, O tsohile bafung. Na u ka tla joale?

. . . tla u pholosa, O tla u pholosa joale.

Tšepa feela . . .

215 Mo tšepe feela! U re, “Moena Branham, ha ke tsebe na ke e etse joang.” Nyolohela koano, sohle seo u tlamehang ho se etsa ke ho ema hantle feela. Mamelang Moea o Halalelang. Lintho tsena li sebetsa joalo, ho Mo mamela feela. O e tšepisitse. Joaloka ha A tšepisitse ho etsa lintho tsena letsatsing la qetelo, O tšepisitse ho pholosa ba lahlehileng.

216 U re, “Be, ke setho sa kereke, Moena Branham.” Ha se seo ke u botsang sona.

217 Kea u botsa joale, “Na u bolokehile? Na u Mokreste?” Haeba ho se joalo, nyoloha. Nyoloha. Ke u kopa, ka Lebitso la Krete, tloo.

Mo tšepe, feela . . .

218 Ke eona, kena hantle, tloong hantle le pote aletare joale, moena.

O tla u pholosa, O tla u pholosa,  
O tla u pholosa joale.

U lokela ho etsa'ng?

Mo tšepe feela, Mo tšepe feela,  
Mo tšepe feela joale;  
O tla u pholosa, O tla u pholosa,  
O tla u pholosa joale.

219 Ke hantle, tloong hantle, metsoalle, tloong hantle. Mokreste e mong le e mong, rapelang hona joale. Hopolang, batho ba ka fihla, ona ekaba monyetla oa bona oa ho qetela le ka mohla. Ona ekaba . . . Haeba A ka senola mehopolo ea pelo, O mpoella 'me ke 'nete, “Ba bangata ka mona!” U se lumelle Satane ho u thetsa, khaitseli, moena. U se mo lumelle ho e etsa, ka kōpo u se ke. Amohela Letšoao la Molimo, bosiung bona. Na u ka tla joale?

. . . joale.

. . . u tla Mo tšepa feela, ho Mo tšepa feela,  
Mo tšepe feela joale;  
O tla u pholosa, O tla u pholosa,  
O tla u pholosa joale.

220 Oho Molimo, ke rapela ka Lebitso la Jesu, hore U tle u shebe letšoele lena le ho le hlhloba ka botlalo. Ke rapela Moea o Halalelang o moholo, O leng teng mona joale, o leng teng, ho bontša Jesu Krete eëna maobane, kajeno, le kamehla... Morena, ha ho monyetla ho Satane ho leka ho e hlakola. Ke mona U—U a Itsebahatsa, ho ema mona ka nama ea motho har'a rona, le ho Itsebahatsa ka Letšao le tlang ho U tsebahatsa. Letšao ke ho tsebahatsa Jesu Krete, tsoho ea Hae. 'Me ke ena moo E leng teng joale ho Mo tsebahatsa, a etsa seo A se entseng mohlā A neng a eme mona ka 'mele oa nama. Oho Ntate Molimo, batho ba ke ba bone 'me ba elelloe kamoo Mangolo ana 'ohle le lintho li phethiloeng ka ho phethahala.

221 Moea o mong le o mong o ke o tle joale, Morena. E-ea hang hape, Ntate, 'me u bue le lipelo, ke tle ke khohisehe hore... Ke U kopile, 'me ke a tseba U tla e phethisa. Kamehla U arabela lithapelo tsa rōna. Bua hang hape, Morena. Ke khohla ba bang ba ikutloile joalo, empa ha ba khona feela. Aba sena, Morena, ba tle joale. Ka Lebitso la Jesu, ke a kopa.

222 Ka lihlooho tsa rōna tse inamisitsoeng, ema (Na u ke ke?) le ho tla joale re sa se bina hape joale. Le ho tsoa hantle, ho tsoa. Ke utloa tlase pelōng ea ka, e sa fose le ka mohlā. Ua bona?

Mo tšepe feela,

223 Na u ka ema? Theohela koano, ema aletareng. U se ke... Ona ekaba monyetla oa hau oa ho qetela le ka mohlā. Haeba potsonyana eo e ne e lutse kelellong ea hau, u se ke—u se ke ua hakanya feela. U se ke ua hakanya feela, motsoalle. Le a bona, lipula li a fihla, 'me batho ha ba ka ba e tseba. Lengeloi la lefu le ile la otlā, batho ha ba ka ba nahana joalo. Moshe o ba boleletse e tla etsahala. O ne a tsebahalitsoe ke Molimo ka ho hlaka.

224 U re, "Empa ke Mopresbeteriene." "Ke Momethodise." "Ke Mobaptise." Ha ke... Ha e na letho. Le a bona?

225 Tloo! Ke u kopa ho tla joale, tloo 'me u Mo amohele ka 'nete. U se ke... U tla etsa bonnete ha u ka hlhloba lithaere tsa hau pele u khanna ka potlako, hlhloba koloi ea hau pele u nka phomolo. Na u ke ke ua ba le boitsebiso ba tsoho ka hare ho uena? Na u ke ke ua tla? Molimo a u hlohonolofatse. Ho lokile. Tšelela, supa, ba bang ba robeli ba tšile haesale. Ha ke batle ho e koala, joalo. Na u ka tla? Molimo a u hlohonolofatse, mothaka e mocha. U hlohonolofatsoe, mofumahali.

...hona joale  
O tla u pholosa, O tla u pholosa.

226 Molimo a u hlohonolofatse, mohlankana. Ha u batla ho tseba, u ne u le e mong oa bona. Ke eona.

Mo tšepe feela,

227 Joale, na ha se ntho e itseng, ho ba bona? Eèna . . . Le a bona, Moea o Halalelang ha o fose le ka mohla. O nepahetse ka ho phethahala.

. . .hona joale  
O tla u pholosa, O tla u pholosa,  
O tla u pholosa joale.

228 Na le hlile le tiile joale? 'Mino o tsoelapele, ka kōpo, butle. Na le ka Mo tšepa? Na u ka Mo nka Lentsoeng la Hae?

229 E re, “Morena, esale ke lakatsa setsoalle seo se haufi, Ntho e itseng eo ea sebele. Nna, ke a E batla ruri, Morena, empa ke bone sesomo se se kana sa Eona.” Khele, ehlile, ke Satane eo, o—o etsa hoo ho u faposa tsela. “Ke—ke bone ba ipoletseng.” Hoo, hoo, le a bona, hoo ho supa feela hore Ea makhonthe e teng nqa e 'ngoe. Ha u fumana dolara ea bohata, ke hobane feela e entsoe ka e lokileng. Le a bona? Le a bona?

230 Na u ke ke ua tla? Mo tšepele Moea o Halalelang ruri. Athe O tsebahatsoa hakana mona ka pel'a lōna, ho Itsebisa mona ka pel'a batho ba ka bang likete tse tharō, ho bontša. O e entse pel'a likete tse makholo a mahlano Bombay. O e entse pel'a, likete tse lekholo le mashome a mahlano kapa mashome a supileng a metso e mehlano Durban, Afrika Boroa, moo batala ba likobo a likete tse mashome a mararo ba tlang ho Krete ka nako e le 'ngoe. Le a bona? Evangeli e se e tla fela Amerika, metsoalle. E batla e batla felile. Haeba le lumela hobane ke hokahane le Molimo, hopolang, hoo ke 'nete. Na u ke ke ua tla joale?

231 Ke tla kopa baena ba rona ba bareri mona, haeba ba ka theoha kalaneng, le ho ema mona, ka thapelo ena bakeng sa batho.

232 Lona ba bang le ka inamisa lihlooho tsa lona, haese ha le batla ho tla ba sa ntse ba eme aletareng mona. Ke tli! o rapela le uena.

233 Ke batla lona banna le theohele mono, hoba batho bana e tla ba litho tsa likereke tsa lona. Ba tli! le, ho amohela Krete joale.

234 Na u ke ke ua tla, ua ema ka mabapi, mang ea ratang ho tla nakong ena? Aletare e sa butsoe. Mohlomong ha ba . . . E ka ba morao haholo, ka mora nakoana.

235 Nahanang feela, Moea o Halalelang o moholo o tlang, ho tsebahatsoa Jesu Krete a phela, kamora lilemo tse likete tse peli, ho bona eona Tlhaho ea Hae e etsa ntho eo A e tšepisitseng e tla etsoa. Ke hantle.

236 Ke leboha haholo, metsoalle. Le batho bao ba hora ea leshome le motso o mong ba emeng mona, ho kena feela. Ke thabile ha le tli! le. E mong le e mong oa lona, hopolang, e ne e le Molimo O le boleletseng ho tla. Ka botho, u ka be u sa e etsa, empa Molimo o u laetse ho e etsa.

<sup>237</sup> Joale e re baena bana mona le 'na re sa rapela, Morena a ke a . . . [Motho o botsa Moena Branham ka baena ba bang ba bareri—Mohl.] “Haeba moreri a le teng *mona*?” Ehlile, baena bafe ba bareri, tloong koano. Le na le likereke le lintho tikolohong ena; tloong, le phuthehe le batho bana. Bana ke batho ba khelohileng, ba bang ba bona. Ba bang ba bona ba tla khetlo la bona la pele, 'me ba eme mona joale. Nyolohela hantle har'a bona. Kena har'a bona hantle. Kena hantle feela, ba bolelle, “Ke Molisa *Sekete-kete*. Ke mona ho rapela le uena, moena. Kea u rata. Kea u rata, 'me ke mona ho rapela le uena.”

<sup>238</sup> Shebang, tloong, ba lona, nyolohelang ka *mona*. Nyolohelang ka mona, sebaka se teng ka mona. Bang ba lona ka *mona*. Feela . . .

<sup>239</sup> Ke eona, kena hara batho hantle, ho re, “Ke Molisa *Sekete-kete*.” Beha letsoho la hau holim'a lehetla la motho, ho re, “Ke tšile ho rapela le uena, khaitsetse ea ratehang, moena ea ratehang. Ke tšile ho u thusa ho ea ho Krete.” Kena hantle hona joale, ho re, “Na, ke tla thabela ho u etsetsa eng eo nka e khonang. Re tšil'o rapela joale.”

<sup>240</sup> Ke kopile phutheho haebe ba ka inamisa lihlooho tsa bona le rona joale, re sa ea thapelong.

<sup>241</sup> E mong le e mong oa lona balisa, fumanang motho, fumanang motho eo le 'mehileng matsoho. Molisa e mong le e mong, kena har'a batho, u bee motho matsoho. Ke eona.

<sup>242</sup> E mong le e mong oa lona a ipolele hore esale le fositse. 'Me, hopolang, eena Jesu eo o teng mona joale. Nthuse ke hona, Leseli leo le har'a lōna hantle mona. Ke Krete. Mo kōpe feela ho u tšoarela, 'me Molimo o tla u hloekisa sebeng sohle. Emang hantle mono hona joale. 'Me molisa o tla u tataisetse hantle pakong le hantle Letšoaong, 'me ho tla be ho felile.

<sup>243</sup> Morena Jesu, re tšisa ho Uena, bosiuang bona, Morena, lisakatuku tsena tsohle le lintho, tlotlisong ea Molimo, hore U tle u folise e mong le e mong oa bona, tlotlisong ea Hau.

<sup>244</sup> Ntate, mokhupi ona, re U bona u tsebahalitsoe ka ho hlaka ke Lentsoe la Hau. Ho bonahatsoa e le Motho eo Morena Jesu, mona ka sebopeliso sa Moea o Halalelang, ea tsamaeang har'a batho, ho senola mehopollo e ka pelong tsa bona, ho folisa maloetse a bona, le ho ba biletsa pakong, Mora e moholo ea matla oa Molimo. Ke ba nehela ho Uena, Ntate, e le lifika tsa tumelo ea bona ho ba lumelang ha Hao . . . Lentsoeng la Hao le boletsoeng esale pele. Lentsoe leo U boletseng U tla le etsa . . . Ke a tšepa, Morena, hore U tla ba netefaletsa Lona. Ke ba Hau. Ke lineo tsa lerato; ke U nea tsona, Ntate. Ka Lebitso la Jesu Krete, pholosa e mong le e mong oa bona, Morena. Tlatsa e mong le e mong oa bona ka Moea o Halalelang. Aba sena, oho Molimo Rabosafeleng. Moea oa Hau le lereko li lule holim'a bona, tlotlisong ea Hau. 

64-0208 Letšao  
Kern County Fairgrounds  
Bakersfield, California U.S.A.

SOUTH SOTHO

©2026 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)